

চোর
বা
বাহাদুর ।

(গীতি-নাট্য)

শ্রীনির্মল শিব বন্দ্যোপাধ্যায়
প্রণীত ।

—:::—

শুভ্রাইডে, ৮ই বৈশাখ, ১৩২৩ সাল,
মনোমোহন থিয়েটারে অভিনীত ।

—*—

প্রকাশক
শ্রী গুরুদাস চট্টোপাধ্যায়,
২০১ নং কর্ণওয়ালিস্ স্ট্রীট, কলিকাতা ।
বৈশাখ, ১৩২৩ সাল ।

প্রিণ্টার—শ্রীযোগেশচন্দ্র: অধিকারী,

মেট্রিকাল্ প্রেস,

৭৬ নং বলরাম দে স্ট্রীট, কলিকাতা ।

উৎসর্গ ।

বহুবর—

শ্রীযুক্ত কামদাকিন্ধর চট্টোপাধ্যায়,

ইন্সপেক্টর অফ পুলিশ,

নিলকামারী,

বঙ্গপুর ।

প্রিয় কামদা,

বেশী কিছু না বলিয়া “চোর”কে • তোমার নিকট
পাঠাইলাম । হাতকড়ি লাগাইবার উপযুক্ত হইলে—হাতকড়ি
লাগাইও, পুরস্কারের যোগ্য হইলে—পুরস্কার দিও । ইতি

লাভপুর, বীরভূম ।
১৩ই বৈশাখ, ১৩২৩ সাল ।

স্নেহবন্ধ—

নির্মল ।

* এই গীতি-নাট্যখানির প্রথমে “চোর” নাম দেওয়া হয় ; অতিনর-বোষণা-কানৌর
মনে হইলেই স্নেহভাৱের কর্তৃপক্ষান “চোর”এর পরিবর্তে ‘বাহাহর’ নাম মনোনীত করেন ।

নিবেদন

এই গীতিনাটোর গল্পাংশ যে ঠাকুরমার রূপকথা হইতে গড়া, তাহা সকলেই বুঝিতে পারিবেন। তবে ছুংখের বিষয় এই যে, স্মৃতি-শক্তির প্রাথবা বশতঃ সমগ্র গল্পটি মনে পড়ে নাই; তাই খেটুকু মনে ছিল, তাহাই লইয়া কাজ সারিয়া দিয়াছি। কাজেই, কিশোর, চুণি, বালি প্রভৃতির গ্রাম কয়েকটি কাল্পনিক চরিত্রের অবতারণা করিতে বাধ্য হইয়াছি। হয় ত অন্য গল্পেরও কিছু ইহাতে প্রবেশ লাভ করিয়া, 'উদোর পিণ্ডি বুদোর ঘাড়ে' চাপিয়াছে; কিন্তু সে পাপ আমার জ্ঞানকৃত নহে। জ্ঞানকৃত পাপ আমার এই যে, ঠাকুরমার "এক যে ছিল রাজা" প্রভৃতি গল্প বলিবার সেই সবস সুরটিকে আমি বেশেরো সুরে গাহিয়াছি। কারণ, সে অপূর্ণ সুর অনুকরণ করিবার ক্ষমতা আমার নাই। তথাপি যদি এই বেশেরো সুর কাহারও ভাল লাগে, তবে তাহা আমার নিতান্ত সৌভাগ্যের বিষয় বলিতে হইবে।

শ্রদ্ধেয় অধ্যাপক, সহৃদয় শ্রীবুদ্ধ মন্থখানোখন বসু এন, এ. মহোদয় এই গীতি-নাট্যখানি অনুগ্রহ পূর্বক সংশোধন করিয়া দিয়াছেন। শ্রদ্ধেয় সঙ্গীতাচার্য্য, সুকবি শ্রীবুদ্ধ দেবকান্ত বাগ্‌চী মহোদয় গানগুলির সুর-সংযোগ করিয়া দিয়াছেন—এমন কি, সুর-সংযোগের সুবিধার জন্য কয়েকটি গানের কথার কিছু পরিবর্তন করিয়া দিয়াছেন এবং শ্রদ্ধেয় শ্রীবুদ্ধ অবিলাসচন্দ্র গঙ্গোপাধ্যায় মহোদয় ইহার মুদ্রাক্ষণের ভার লইয়া আমাকে একটা বিষম বিপদ হইতে উদ্ধার করিয়াছেন। এই অবকাশে তাঁহাদের নিকট আমার আন্তরিক কৃতজ্ঞতা প্রকাশ করিতেছি।

৭নং সোয়ালো লেন,
কলিকাতা।
১৬ই বৈশাখ, ১৩২৩ সাল।

বিনীত—
শ্রীনির্মাল শিব বন্দ্যোপাধ্যায়।

নাটোল্লিখিত ব্যক্তিগণ ।

পুরুষ ।

সমরসিংহ	মোহনপুরের রাজা ।
গণপতি	ঐ ছোষ্ঠ পুত্র ।
রমাপতি	ঐ কনিষ্ঠ পুত্র ।
কিশোর	রমাপতির বন্ধু ।
রণরাও	রামগড়ের রাজা ।
ভরত	ঐ মন্ত্রী ।
শ্রাম সিংহ	ঐ সহর-কোটাল ।
হারু	সহর-কোটালের ভৃত্য ।

সভাসদগণ, বিচার-শ্রবণেচ্ছু ও প্রার্থী ব্যক্তিগণ, কাঠুরিয়া-
বালকগণ, প্রহরিগণ ইত্যাদি ।

স্ত্রী ।

কমলা	রণরাওয়ের কন্যা ।
সরলা	ঐ সখী ।
সবিতা	ভরতের কন্যা ।
লক্ষ্মী	শ্রাম সিংহের মাতা ।
সারদা	বেশা-বাড়ীওয়ালী ।
চুণি	}	...	সারদার বাটার ভাড়াটিয়া
বালি		...	

নর্তকীগণ, সখীগণ, নাগরিকাগণ ইত্যাদি ।

বাহাদুর


(মনোমোহন খিড়েটারে অভিনীত)

স্বধাধিকারী	শ্রীযুক্ত মনোমোহন পাঁড়ে ।
অধ্যক্ষ	„ নুরেক্তনাথ ঘোষ ।
সঙ্গীত-শিক্ষক	„ দেবকণ্ঠ বাগ্‌চী ।
নৃত্য-শিক্ষক	„ সাতকড়ি গঙ্গোপাধ্যায় ।
বংশীবাদক	„ অমৃতলাল ঘোষ ।
সঙ্গীতী	„ রজনীকান্ত ঘোষ ।
প্রম্‌টার	„ প্রশান্তকুমার ভট্টাচার্য ।
রঙ্গভূমি-সজ্জাকর	„ কালীচরণ দাস ।
প্রথম অভিনয়-রজনীর অভিনেতা ও অভিনেত্রীগণ ।	
সমরসিংহ	: শ্রীযুক্ত নরেক্তনাথ সিংহ ।
গণপতি	„ জিতেন্দ্রনাথ দে ।
রমাগতি	„ হীরলাল চট্টোপাধ্যায় ।
কিশোর	„ অহীন্দ্রনাথ দে ।
রণরাও	„ মৃত্যুঞ্জয় পাল ।
ভরত	„ উপেন্দ্রনাথ বসাক ।
শ্যামসিংহ	„ ননীলাল বন্দ্যোপাধ্যায় ।
হারু	„ মনমথনাথ বসু ।
কমলা	শ্রীমতী পঞ্চভিনী ।
সরলা	„ সরোজবাসিনী ।
লক্ষ্মী	„ হেমন্তকুমারী ।
সারদা	„ চাক্রবাণী ।
চুণি	„ রাণীসুন্দরী ।
বালি	„ শশিমুখী ।



श्री विष्णुधरदासजी

L. P. Wo



প্রস্তাবনা ।

চুরি বিড়ে বড় বিড়ে, যদি না পড়ে ধরা ।
বুদ্ধির দোড় আছেই তাদের, চুরি করে যারা ॥
পরের চক্ষে দিয়ে ধূলি, সরাতে হবে বামালগুলি,
খুব সোজা কাজ নয় ত সেটা, নিন্দে করে কারা ?
নিজের জন্তে করলে চুরি, তাতে নাই বাহাছরী ;
নিজের পেট পূরিয়ে কেবল পরকে হয় মারা ॥
আমোদ করতে করলে চুরি, তাতেই আছে বাহাছরী,
শিথতে হয়, যত্ন করে চাতুরীর সব ধারা ॥





বাহাদুর ।



প্রথম অঙ্ক

প্রথম দৃশ্য ।

মোহনপুর—অলিন্দ ।

সমরসিংহ ও গণপতি ।

সমর । গণপতি ! রমাপতিকে নিয়ে কি করা যার ? সে দিন দিন
ধেরূপ উচ্ছ্বাল হয়ে উঠছে, তাতে তাকে আমার পুত্র বলে
পরিচয় দিতেই লজ্জা বোধ হয় । কিশোর নামে তার কে একজন
সঙ্গী জুটেছে, শুন্ছি, তার সঙ্গে মিশে সে জঘন্য আমোদ-আহ্লাদে
সর্বদাই উন্মত্ত থাকে । আমোদ করবার জগু, সে যার-তার
বাড়ীতে চুরি করে ; প্রাতে গৃহস্বামী যখন সর্বস্ব চুরি গিয়েছে
বলে সকলের নিকট আক্ষেপ করতে থাকে কিংবা সহর-কোটালকে

সংবাদ দিতে যায়, তখন হাস্তে হাস্তে তার জিনিস তাকে ফিরিয়ে দিয়ে আসে। আমার পুত্র ব'লে তারা এই মর্মান্তিক তামাসাতেও তাঁকে কিছু বলতে পারে না। রাজার পুত্র হয়ে যদি নিজের মর্যাদা না বোঝে, তবে তা'হতে আক্ষেপের বিষয় আর কি হ'তে পারে? তাকে শোধরাবার উপায় কি?

গণপতি। আমার বিবেচনায় তাঁকে ডেকে এনে সত্বপদেশ দিন; তাতেও যদি তার মতি না ফেরে, কিছুদিনের জন্ত তাকে কারারুদ্ধ ক'রে রাখুন—ভয় দেখান যে, তাকে ত্যজ্যপুত্র ক'রবেন। সে জানে, যে আপনি তাকে যতই কেন তিরস্কার করুন না, তাঁকে কখন কোন প্রকার ক্লেশ আপনি দিতে পারবেন না। আপনার অত্যধিক স্নেহের ভরসায় সে ছনিয়ার সকলকেই তুচ্ছ জ্ঞান করে। যদি বুঝতে পারে, যে সে আপনার স্নেহে বঞ্চিত হয়েছে, তা'হলে নিশ্চয়ই তার মতি সংপথে ফিরবে। আপনি কিছু দিনের জন্ত কঠোর হ'ন দেখি।

সমর। সেইটাই যে পারি না বাপ্। শৈশবেই সে মাতৃহারা; তাকে শাসন করতে গেলেই তার মার সেই কাতর অস্তিম অনুরোধ মনে পড়ে যায়—আর সকল কঠোরতা আমা হ'তে দূরে পলায়ন করে। মৃত্যুকালে তোমাদের মা আমার পা দুটো জড়িয়ে বারবার বলেছিল—“আমি একটি আলালের ঘরের ছুলাল রেখে চল্লম। তাকে চাপ দিও না, তাকে চির-প্রফুল্ল রেখো”। তাই আমি তার প্রতি কঠোর হ'তে পারি না।

গণপতি। কঠোর যদি না হ'তে পারেন, তবে তার সংশোধনের আশা ত্যাগ করুন। (চিন্তা করিয়া) একেবারে ত্যাগই বা করবেন কেন? অন্য উপায়ে—

সমর । (সাগ্রহে) কি উপায় বল ত বাবা, কি উপায় বল ত বাবা ?

গণপতি । বলছি : কিন্তু সে উপায়ও একেবারে কঠোরতাপূর্ণ নয় ;
তবে অপেক্ষাকৃত কম কঠোর ।

সমর । বল, বল, না হয় কর্তব্যের জ্ঞান একটু কঠোরই হওয়া যাবে ।

সিংহ-শাবকের শৃগালের ঞায় আচরণ দেখে চূপ ক'রে থাকাত ত
কর্তব্য নয় । বল, বল, কি উপায় বল ?

গণপতি । কথা ঐ একই—তবে ঐ কথাগুলোই একটু নরম আকারে
মুখ থেকে বার করা ।

সমর । কি রকম ?

গণপতি । এই ধরন—প্রথমে আপনি তাকে জিজ্ঞাসা করলেন যে,
“বাপু ! তুমি খাও কার কপালজোরে ?” তাকে নিশ্চয় বলতে
হবে যে, সে আপনারই কপালজোরে খায় । কেন না, তার ত
আর রোজগার করবার ক্ষমতা নাই । তখন আপনি বলবেন,
“এই যে আমার কথা না শুনে ছুঁটুমি ক'রে বেড়াচ্ছ, আমি যদি
তোমায় খেতে না দিই, তবে তুমি খাওই বা কোথায় আর
ছুঁটুমিই বা কর কিসের জোরে ?”

সমর । ও বাবা, “খেতে না দিই” এমন কথা আমি তাকে বলতে
পারব না । আরও নরম দেখে উপায় খোঁজো ।

গণপতি । তবে আর কি উপায় হবে ? আচ্ছা, আর এক কাজ ক'রতে
পারেন । আমি আপনার হ'য়ে তাকে এই কথা বলব । আপনি
কেবল সায় দিয়ে আপনার সম্মতি জ্ঞাপন করবেন ।

সমর । তা বরং কতক পারা যায়, তা বরং কতক পারা যায় ।

গণপতি । বেশ, আপনি তবে তাকে ডাক্তে পাঠান ।

সমর । কে আছ,—ছোট রাজকুমারকে একবার ডেকে নিয়ে এস ত ।

নেপথ্যে । ঘো হুকুম ।

সমর । দেখ বাবা, তুমিই তাকে ঐ মিষ্টি কঠোর কথাগুলো বলো,
আমি কেবল সায় দিয়ে যাব ।

(রমাপতির প্রবেশ)

রমা । বাবা ! আমায় ডাকছিলেন ?

সমর । এঁা ; হ্যা । (গণপতির প্রতি চাহিলেন)

রমা । (স্বগত) মুখ চাওয়াচারি ; ব্যাপারখানা কি ?

গণপতি । ভাই রমাই, তোমাকে একটি প্রশ্ন করবো, ঠিক উত্তর
দাও দেখি । বল দেখি, তুমি খাও কার কপালজোরে ?

রমা । এই কথা ? কেন, নিজের কপালজোরেই খাই ।

গণপতি । আরে, হতভাগা বলে কি ? বাবা যদি তোকে খেতে না
দেন, তবে তোকে খেতে দেবে কে ?

রমা । কেন, জীব দিয়েছেন যিনি—আজার যোগাবেন তিনি—এ তো
সোজা কথা ।

গণপতি । বটে ! আচ্ছা ধর,—তোমার দুর্ভাবহারের জন্ত বাবা যদি
আজ তোকে রাজ্য থেকে তাড়িয়ে—

সমর । (ব্যস্ত ও ভীতভাবে) গণপতি—

গণপতি । একটু চুপ করুন না বাবা ; ভয় কি ? (রমাপতির প্রতি) ধর,
যদি আজ বাবা তোকে তাড়িয়ে দেন ; তবে তুমি ক'রে খেতে পারিস্ ?

রমা । তোমরা বসে বসে বুঝি আমাকে তাড়াবার পরামর্শই করছিলে ।
বেশ দেখ, আমি নিজের কপালজোরে ক'রে খেতে পারি কি না ।

[দ্রুত প্রস্থান ।

সমর । ও রমাই, ও রমাই ! ও গণপতি ! রমাই যে বেগে চলে
গেল ।

গণপতি । যাক্ না, কোথায় যাবে ? ছুদিন খেতে না পেলে আপনি
ফিরে আসবে ; আর একেবারে শুধরে যাবে । রোজগারের
ক্ষমতা যা, তা ত জানা আছে ।

সমর । না, না ; এ যে বড় কঠোর হ'য়ে গেল ; এমন ত কথা ছিল না,
এমন ত কথা ছিল না । ও যে বড় অভিমানী । রমাই ও রমাই—

[প্রস্থান ।

গণপতি । এত আঙ্কা দিলে কি কখন ছেলে শাসন হয় !

[প্রস্থান ।

দ্বিতীয় দৃশ্য ।

রামগড়—রাজপথ ।

সারদার বাটার সম্মুখ ।

(চুণি ও বালির প্রবেশ)

উভয়ের গীত ।

আমরা ভুলিয়ে আনি নাগর কত ঘরে ।

আমরা রকম নকম জানি কত

তাইতে ভোলে পরে ॥

হানি যদি নয়ন-বাণ নোরা,

সরম ভুলে কাছে আসে কতই না চোঁড়া—

বলে গলা ধরে, আদর ক'রে, আর যাব না ছেড়ে ।

ওগো কাটলে নেশা, ভালবাসা, কেদে মরে পরে ॥

বালি । দেখ্ ভাই সই ! কেমন ছুটি ফুটুকুটে ছোকরা এইদিকে
আসছে দেখ্ । আহা, বড় সুন্দর ! নয় ভাই সই ? (একদৃষ্টে
অবলোকন) ।

চুণি । তাই ত ভাই, কে এরা ? বোধ করি, কোন রাজপুত্র হবে ।

বালি । চেহারা ছ'খানা সেই রকম বটে । কিন্তু রাজপুত্র হ'লে কি

আর অমন তন্নী ঘাড়ে ক'রে হেঁটে বেড়ায় ?

চুণি । এরা যদি ভাই আমাদের বাড়ীওয়ালী মাসীর বাড়ীতে ভাড়াটে

থাকে, তা' হ'লে তুই কি করিস্ ?

বালি । তুই কি করিস্, তাই আগে বল্ না ? নিজেকে ছেড়ে আগে

আমার কথা জিজ্ঞাসা করছিস্ কেন লা ?

চুণি । আমি যে কি করি, তা' ভাই বলতে পারি না । তবে এই

পর্যন্ত বলতে পারি যে, অতের মত প্রাণ ধ'রে তাড়িয়ে দিতে পারি

না । (উভয়ের ব্যগ্র দৃষ্টি) ।

(তন্নী স্বক্কে রমা ও কিশোরের প্রবেশ)

কিশোর । ভায়া ! বুঝি এইখানেই আড্ডা নিতে হয় । জোড়া

চুষকে আকর্ষণ ক'রছে ।

রমা । তুই হতভাগা নেহাৎ বেল্লিক । ওরা ভদ্রমহিলা কি না, আগে

ধবর নে ; তার পর অমন বেয়াড়া বোল-চাল ঝাড়িস্ ।

কিশোর । হ'লেই বা ভদ্রমহিলা । ভদ্রমহিলারা যদি অমন তের্ছ

নয়নে আমাদের দিকে কটাক্ষ করতে পারেন, তবে আমিই বা

কোন ছটো বোলচাল্ না ঝাড়তে পারি ? তুমি ত ভাই সোঁদা

রয়ে গিয়েছ ; এদিক্কার মশ্ব ত কখন বুঝলে না । আমি কি

এমনিই বেকুফ যে, ভদ্রমহিলার সঙ্গে রসিকতা করতে যাব ?

রমা । তুই কেমন ক'রে জানলি যে, ওরা বেশা ?

কিশোর । চেহারায় যে বিজ্ঞাপন লেখা দাদা ; ও আর কষ্ট ক'রে

জানতে হবে কেন ? রত্ন চিনে চিনে জহরী হয়ে গেছি ; এখন

দূর হতেই ব'লে দিতে পারি, সাঁচ্চা কি বুঁটো ।

রমা । না, না ; এখানে থাকা হবে না । (বিরক্তভাবে) এদের ভাব দেখে বোধ হচ্ছে, এরা আমাদের গিলে খাবে ।

কিশোর । আরে খায় ও মার্কণ্ডের দ্বিতীয় সংস্করণ হ'য়ে বেরিয়ে পড়'ব । নাও, চলে এস । এইখানেই আশ্তানার ব্যবস্থা করা যাক । সন্ধ্যা হয়ে এল, আর হাঁটতেও পারা যায় না ।

রমা । না ভাই, বেঞ্চালয়ে আড্ডা নিতে আমি পারবো না ।

কিশোর । দেখ, যে কাজ তুমি করতে এসেছ, অজানা জায়গায় সে কাজ চালাতে হ'লে, এদের ঘরেই আড্ডা নিতে হয় । তুমি মনে করবে, ছোঁড়া নিজের কোলেই বোল টানছে ; তা নয় ; এখানে নানা রকম লোকের আমদানি, নানা রকম সন্ধান পাওয়া যায় ।

রমা । আচ্ছা, তবে দেখ ।

কিশোর । (অগ্রসর হইয়া) হ্যাঁ গো ! এখানে কি কোন বাড়ী খালি আছে ?

বালি । (সাগ্রহে) হ্যাঁ গো, হ্যাঁ, আছে, আছে, আছে ।

চুণি । (বালিকে ঠেলিয়া পিছাইয়া দিয়া) আ-মর, আমাকে জিজ্ঞাসা করছে, তুই কেন সেধে উত্তর দিচ্ছিস্ লা ?

কিশোর । (স্বগত) ও বাবা (সুরে)

এমতি পিরীতি, না জানি এ রীতি

পরিণামে কিবা হয় ।

পিরীতি পরম

দুঃখময় হয়

দ্বিজ চণ্ডিদাসে কর ॥

চুণি । আছে ভাই, এই বাড়ীতে ছটো কুঠ'রী খালি আছে । তোমরা কি থাকতে চাও ?

কিশোর । নইলে খামকা জিজ্ঞাসা ক'রে কষ্ট দেব কেন মণি ?

(বালির প্রতি) কি চাঁদ ! তুমি বদনখানি অমন গোঁজের মত
ক'রে রয়েছ যে ?

বালি । (ঠেকার দিয়া) আর আমার সঙ্গে কেন ভাই ? আমাকে
ত তুমি কিছু জিজ্ঞাসা কর নাই । যাকে জিজ্ঞাসা করেছ, সেই উত্তর
দিচ্ছে । আমি কেন সেধো হ'তে যাব ভাই ?

(দ্বৈত গীত) ।

কিশোর । ছি ! ছি ! এমন মান, চলে কি, ওলো প্রাণ,

বিদেশী সনে ?

বালি । কেন ছালাও, যাও, যাও, যাও, যারে চাও,

প্রাণ টেনেছে যার টানে ।

কিশোর । আমি এখনও পথিক, কি চাহ অধিক,

মান তাজ, নান তাজ লো সই !

বালি । আমি চাই না কিছু, ফিরি না পিছু,

ফিরুক তোমার ওই ;

কিশোর । বলি গেছে কি জানা, আমি ওটারই কেনা ?

বালি । ভাব দেখে বোঝা যায়, কুটে বলতে কিগো হয়,

তুমি ওর জেনেছি মনে ॥

কিশোর । না, না, না, না, ক্ষম লো দাঁনে ।

বালি । (তবে) এস মোর সনে ।

[সকলের প্রস্থান ।

তৃতীয় দৃশ্য ।

রামগড়—রাজসভা ।

রণরাও, ভরত, শ্রামসিংহ, রমাপতি, বিচার-শ্রবণেচ্ছু

ও প্রার্থী ব্যক্তিগণ ও প্রহরিগণ ।

রণরাও । মন্ত্রী ! আজ বিচার্য বিষয় কি কি আছে ?

ভরত । ধর্মাবতার ! আজ আর বেশী কিছু নাই ; তবে আপনার রাজ্যের শেষ সীমায় মন্দুরা নামক যে গ্রাম আছে, সেই গ্রাম-প্রান্তস্থ নদীর স্রোত ফিরে গ্রামের দিকে আসছে । ঐ গ্রামে একটি বাঁধ বাঁধান আবশ্যক—এই মর্মে প্রজারা হুজুরে এক দরখাস্ত করেছে । আর ঐ বাঁধ সত্ত্বর বাঁধিয়ে দেওয়া না হ'লে বিশেষ ক্ষতি হবে, সে কথাও উল্লেখ করেছে ।

রণ । আচ্ছা, সেখানে বাঁধ বাঁধিয়ে দাও ।

ভরত । (স্বগত) হুঁ :—মহারাজ যেমন, বাঁধ বাঁধিয়ে দাও ; টাকা যেন খোলানকুচী ! ঐ টাকাটা আনায় দিলে একটা জমিদারী কিনে ফেলতুম ।

(জনৈক প্রহরীর প্রবেশ)

প্রহরী । (অভিবাদনাস্তে) এক বৃদ্ধ ব্রাহ্মণ এই পত্রখানি দিলেন ।

ভরত । কৈ দেখি । (পত্র গ্রহণান্তর মনে মনে পাঠ)

রণ । কি এমন পত্র মন্ত্রী, যে, পাঠ ক'রে তোমার লু কুঞ্চিত হয়ে উঠল ?

ভরত । সকলেই শ্রবণ করুন ।— (পত্র পাঠ)

“প্রবল-প্রতাপাবিত শ্রীলক্ষ্মীবৃদ্ধ রামগড়াধিপতি বাহাদুর ।

আপনার রাজ্যে দুই জন চোর আসিয়াছে । তাহারা কয়েকদিন যাবৎ আপনার রাজ্যে উৎপাত করিবে । তাহারা কোন দিন

কাহার বাটীতে চুরি করিবে, তাহা কিছু বলিয়া দিল না। তবে এই পর্য্যন্ত বলিল যে, মহারাজ যেন এ চোর ধরিতে উচ্চপদস্থ কর্মচারিগণকেই ভার দেন। জানাইয়া চুরি করে, এমন চোরকে প্রহরিগণ ধরিতে পারিবে না। চোরদ্বয়কে যে ধরিতে পারিবে, চোরদ্বয়ই তাহাকে লক্ষ মুদ্রা পারিতোষিক দিবে। ইতি জনৈক বৃদ্ধ ব্রাহ্মণ ।”

রমা । অদ্ভুত পত্র !

সকলে । অদ্ভুত পত্র !

রমা । আমাদের বোধ হয়, এ কোন ছুষ্ট লোকের ছলনা বা কোন বালকের খেলা ।

রণ । হ’তে পারে। কিন্তু তথাচ আমাদের সাবধান হওয়া কর্তব্য। আমাদের অসাবধানতার যদি আমার প্রজাগণের সর্বস্ব অপহৃত হয়, তবে তা হ’তে আর আমাদের লজ্জার—নিন্দার বিষয় কি আছে? সহর-কোটা! আজ তুমি নিজে সমস্ত রাত্রি পাহারা দেবে।

শ্রাম । যথা আজ্ঞা মহারাজ ।

রণ । আজিকার মত সভাভঙ্গ হ’ক ।

[ভরত ব্যতীত সকলের প্রস্থান ।

ভরত । সিন্দুক-পেটরার চাবী আর গিল্লীর কাছে রাখা নয়। সবই নিজের কাছে রাখুব। চোর ধরবার ভার বোকা রাজা যদি আমাকে দিত, তবে চোরদের ধ’রে তাদেরও লক্ষ মুদ্রা পুরস্কার লাভ হ’ত। সে টাকায় একটা জমিদারী কেনা হ’ত।

[প্রস্থান ।

চতুর্থ দৃশ্য ।

কক্ষ ।

রমাপতি ও কিশোর ।

কিশোর । দেখ্ দেখি, কেমন তক্তকে ঘরে বাসা দিয়েছে । এই ঘরে থাকতেই তোমর কষ্ট হবে, তুই আবার অল্প জায়গায় চেপ্টা করতে বলছিলি । আচ্ছা, তুই কি ও ছুঁড়ীটাকে কিছু বলেছিস্ না'ক ? ও যে চ'খে কাপড় দিয়ে ছুটে ঘর ঢুকলো ।

রমা । আরে রামঃ, শেষ আমার নিয়ে টানাটানি ।

কিশোর । তাই বুঝি তুই কটু ক'য়ে তাড়িয়ে দিয়েছিস্ ?

রমা । না, কটু বলব কেন ? তবে প্রকৃত কথা বলেছি ।

কিশোর । এই কি তোমর প্রকৃত কথা বলবার সময় ? জানিস্, এখন প্রকৃত কথা বলে কত অনিষ্ট হ'তে পারে ? প্রতিবাসীরা—প্রতিবাসীই বা কেন, সমগ্রহবাসী যারা, তারা শত্রু হ'লে তোমর সব মতলব ফেঁসে যাবে । যে প্রতিজ্ঞা ক'রে ঘর থেকে বেরিয়ে এসেছিস্, তোমর সে প্রতিজ্ঞা থাকবে না । এখন তুই নিজেই যখন অপ্রকৃত, তখন কথাটা কেবল প্রকৃত বলে কি চলে ? বুদ্ধিমান্ হয়েও গোড়ামির ঝোঁকে, কেন যে এক একবার বোকার মত এক একটা কাজ করিস্, বুঝতে পারি না ।

রমা । যা বলছিস্, সব সত্য । কিন্তু ভাই, ভদ্র-সন্তান হয়ে বেগ্যাসঙ্গ কেমন ক'রে করব ?

কিশোর । নাক টিপে যেমন ক'রে পাঁচন খায়, তেমনি ক'রে । আর বেগ্যাসঙ্গ ত ভদ্রসন্তান আর ধনিসন্তানদের একচেটে । ভদ্র-সন্তানের উদাহরণ ত আমাতেই দেখতে পাবে ; আর ধনিসন্তানের উদাহরণ

ত গৃহে গৃহে বিদ্যমান। যা, এখন তার মান ভাঙ্গা গে বা। ওর হাতে থাকলে, ওদের দ্বারাই যে কোন কাজ না হবে, তারই বা মানে কি ?

রমা। আচ্ছা দেখি, মানভঙ্গনের পালা কেমন গাইতে পারি।

কিশোর। বহুত আচ্ছা। ঐ আস্ছে ; চল একটু অন্তরালে যাই।

[রমা ও কিশোরের প্রস্থান।

(চুণির প্রবেশ)

চুণি। নিষ্ঠুর, নিষ্ঠুর, সমস্ত পুরুষ জাতিটাই নিষ্ঠুর। কাতর-কণ্ঠে পারে ধরে তার প্রেম ভিক্ষা করলুম, ভিক্ষা দিলে না। এমন মানুষও আছে যে, আমাদের মত সৌন্দর্য্যভরা, যৌবনভরা রমণীর প্রণয় উপেক্ষা করে! ধিক্ আমার রূপে, ধিক্ আমার যৌবনে! যথেষ্ট হয়েছে, আর না। আমি বেগ্না বলেই সে আমার হ'ল না। আজ থেকে যদি বেগ্নাবৃত্তি ত্যাগ করি, তবু সে আমার হবে নাকি? না না, তাকে পাবার আশা ছরাশা! সে নিজের পবিত্রতার উচ্চ শিখরে অবস্থিত, সে কেন অপবিত্রতার নিম্নস্তরে নেমে আসবে? যদিই বা সে সাধা-সাধনায় আসতে চায়, আমি কেন তার অধঃপতনের কারণ হব? কেন তাকে স্বর্গ হ'তে নরকে টেনে আনব? তাকে আমার পথে না এনে আমিই তার পথে যাই না কেন?

(ধীরে ধীরে রমাপতি ও কিশোরের প্রবেশ এবং
কিশোরের অন্তরালে অবস্থান)

রমা। (জনান্তিকে) কি ভাব্চেন।

কিশোর। (চাপাসুরে) হতভাগা, সুরু কর না।

রমা । (সহাস্ত্রে) এ কি, তুমি তামাসা বুঝলে না—মান ক'রে বসলে ?
আমি যে একান্তই তোমার ।

(জানু পাতিয়া করজোড়ে চুণির গীত)

ব'ল না, ব'ল না, ব'ল না এমনি ।

ছ'ল না, ছ'ল না, সেবিকা যে জন ॥

মহত-মহান্ তুমি দেবদেবেশ, নাহি তাহে কালিমা-লেশ,

তার হে আমার পতিত জীবন ॥

তোমারে চাহি না পেয়েছি তোমারে, কাতর অঁধার হৃদয়-মাকারে,

মানসে পূজিব ষাবত জীবন ॥

কিশোর । (অন্তরাল হইতে স্বগত) এ কি রকমটা হ'ল !

রমা । ওঠ, ওঠ, পায়ে ধরা কি সাজে ?

চুণি । তুমি আমার মার্জনা কর । আমি অন্ধকারে ডুবে আছি,
ইষ্টদেব ! তুমি আমায় আলোক দেখাও । আমি পাপপঙ্কে
মজ্জমানা, দেবতা ! তুমি আমায় পুণ্যপথে নিরে চল । আমার
সঙ্গে আর চাতুরী ক'র না । দেবতা তুমি, তোমার চাতুরী
সাজে না ।

রমা । ওঠ, ওঠ, চোক মোছ । (উত্তোলন)

চুণি । বল, তুমি আমায় মার্জনা ক'রলে ?

রমা । অপরাধ কৈ, তা মার্জনা ক'রব ?

চুণি । অপরাধ যথেষ্টই । আমি তোমার ঐ রমণীমনোমোহন রূপে মুগ্ধ
হয়ে তোমাকে পিশাচ করবার চেষ্টা করেছিলুম । কিন্তু তুমি যোগী,
তোমার যোগ ভঙ্গ করতে আমার সাধ্য কি ? যোগিবর, আমাকে
তোমার পুণ্যপথ দেখাও । তোমার রূপ, মন থেকে মুছে গিয়ে,
শুণে হৃদয় আলো হ'য়ে গেছে !

কিশোর । (অস্তুরাল হইতে বাহির হইয়া সুরে)

নঞ্জুল, বঞ্জুল, নিকুঞ্জ-মন্দিরে
সোঙরি সো গুণধাম ।
নরম অস্তুরে, জপয়ে মন্তর
একলি তোহার নাম ॥

(অগ্নি সুরে ভঙ্গীসহ)

প্রেম পিরীত সামান্য নয়,
প্রেমের দারে নন্দনন্দন ধলায় গড়াগড়ি যায় ।

হুঁটো আশ্বাস দে না রে । হাঁ ক'রে মুখের পানে চেয়ে দেখছিস্ কি ?
ভাবছিস্, বেণ্ডার আবার এ কি ঢং ? কিন্তু এ আর ঢং নয় ; আঁতে
ধা লেগে জ্ঞান-চক্ষু উন্মোলিত হয়ে গেছে । ঢং ক'রে হুঁটো কথা
বলা সহজ বটে, কিন্তু চোক দিয়ে জল বার করা বড় শক্ত ; তা চেষ্টা
ক'রে দেখেছি । যা হোক, ভগবান্ তোর মেলালেন ভাল । বেণ্ডা-
সঙ্গ তুই ঘণা করিস্, দেবতা তোর মন বুঝে, তোকে দেবী-সঙ্গ প্রদান
করলেন । এখন তোর পবিত্রতা পুরোমাত্রায় রক্ষা করেও, তুই
তোর উপস্থিত কার্যক্ষেত্রে অগ্রসর হ'তে পারবি ।

চুনি । (পাদধারণ পূর্বক) মার্জনা—

রমা । (উত্তোলন পূর্বক) করেছি ।

কিশোর । (রমাপতির প্রতি) কাজের কথাটা এই সময় পাড়না রে ।

(চুনির প্রতি) দেখ, আমরা এখানে চুরি করতে এসেছি—

চুনি । (বিস্ময়ে) চুরি করতে !

কিশোর । ও বাবা, চমকে ধমকে উঠ না । আমরা চুরি করব বটে,
কিন্তু যার ধন, তাকেই আবার ফিরিয়ে দেব । তবে শেষকালে
চোর ধ'রে দিয়ে রাজার নিকট কিছু পুরস্কার গ্রহণ করব । এ রকম

চৌর্য্যবৃত্তিতে, আশা করি তোমাদেরও সাহায্য পাব । সাহায্য কর আর নাই কর, আমরা যা করব, তা যেন কারো নিকট প্রকাশ কর না ।

(নেপথ্যে সারদা) ও চুনি, ও বালি, দোরটা খুলে দে লো ।

কিশোর । কে বাবা বিটকেল আওয়াজ দেয় ?

চুনি । বাড়ীওয়ালী মাসী এলো । যাই গো ।

[প্রস্থান ।

রমা । চল, আমরাও যাই ।

কিশোর । তুই এগো, আমি যাচ্ছি ।

রমা । এখানে কি করবি ?

কিশোর । এই বেগাটার বিষয় ভেবে একটু প্রকৃত প্রেম শিক্ষা করব । ভাই ! তুমি এগোও ।

[রমাপতির প্রস্থান ।

জ্ঞান হওয়ার পর থেকে কত কীর্ত্তিই না করে আসছি । বাল্যে ছুঁদাস্ত, যৌবনপ্রারম্ভে বেগারূপ-মুগ্ধ, যৌবনে বেগাসক্ত । আমাকে সংশোধন করবার জ্ঞাত বাপ-মা, যৌবন-সমাগমেই আমার বিবাহ দিলেন । কিন্তু বেগার ছলনার মুগ্ধ আমি—বিবাহের পরদিনই গৃহত্যাগ করলুম । সেই নির্দোষী বালিকার কি হবে, একদিনের জ্ঞাতও ভাব লুম না । আহা ! বিবাহের রাত্রেই সেই কচিমুখখানি এখনও ছায়ার মত মনে পড়ে । শুভদৃষ্টির সময়ে সেই লজ্জাবনমিত পলক, সেই জড়সড় ভাব,—মরি মরি কি সুন্দর ! আহা, এই যে তার নামাক্তিত অনুরীয় । (অনুরীয় চুখন) কিন্তু পাপকার্য্য করে করে হৃদয় পাষণ হ'য়ে গেছে, বিবেকে ময়লা ধ'রে গেছে । মনে করি—বেগা নিয়ে বড় আমোদে আছি, কিন্তু আমোদ কি ?—মন ভাল

থাকলে ছোটো মনরাখা মিষ্টি কথা, নয় ত অপমান । আমি কাঞ্চন ফেলে
কাচে গেরো দিয়েছি ; সুধা ভ্রমে হলাহল পান করেছি । আর কি সং-
পথে আসা চলে না ? একবার চেষ্টা ক'রে দেখিই না । অভ্যাস-
বশে মাঝে মাঝে মনটা উড়ু উড়ু করবে বটে, কিন্তু একটু আত্ম-
সংযমও যদি না করতে পারলুম, তবে মানুষ হয়ে জন্মেছি কেন ?
রমার কাজ শেষ হলেই একবার এ কালামুখ নিয়ে স্ত্রীর সঙ্গে
সাক্ষাৎ করব । এই বেণী দেবী হ'তে পারলে, আর আমি মানুষ
হ'তে পারব না ? এবার আমি এ খোলস বদলে নূতন মানুষ
হব । তবে রমার কাজ শেষ না হওয়া পর্যন্ত, কার্য্যানুরোধে কিছু
ভণ্ডামি রাখতে হবে । কিন্তু আমার এই পরিহাসপ্রিয় জীবন ?—
না, একে ত্যাগ করতে পারব না ; এ যে মজ্জাগত হয়ে গেছে ।
(নেপথ্যে চুটকীর শব্দ) ঐ বুঝি আমার তিনি ধরতে আসছেন ।
এই একেই বলে “হামতো ছোড়তা, লেকিন কব্বলি নেহি
ছোড়তা” । মন, আর কেন ? দমে থেক না—একটু চান্স হও ।

(কিশোরকে সন্ধান করিতে করিতে বালির প্রবেশ)

বালি । তুমি এখানে ! আর আমি তোমার চারদিকে খুঁজে বেড়াচ্ছি ।

চুপি এখানে এসেছিল না ?

কিশোর । ওরে বাপ রে ; তবে কি সর্বনাশই হ'ল রে । হাতছাড়া
বুঝি হয়ে যায় রে ।

(সুরে)

এখন হয়ে অবিন্যাসী, কাটিলে অঁকুসী,

পলারে এসেছে পুরে ।

সন্ধান করিতে, পাইবু গুনিতে,

কুবুজা রেখেছে ধরে ॥

বালি । ঠাট্টা কচ্ছ, কিন্তু তুমিই বোঝ, বুকের নিধি যদি অপরে ছিঁড়ে
নিরে যায়, তা হ'লে কেমন ক'রে প্রাণ ধরি ?

কিশোর । (সুরে)

সই ! কেমনে ধরিল হিয়া ?

আনার বঁধুয়া আনু বাড়া যায়,

আনার আঙ্গিনা দিয়া ।

এইবার ঝালটা তার ওপর গিয়ে পড়ুক ; সখি গো, তুমি বল গো—

যুবতা হইয়া, শ্যাম ভাস্কাইয়া

এমতি করিল কে ?

আমার পরাণ, যেমতি করিছে

তেমতি হউক সে ।

বলি, আগেভাগেই ভেবে বস্ছ কেন ? আগে ভাব্‌বার কারণ
হ'ক, তার পর ভেবো !

বালি । কই—আমার গা ছুঁয়ে বল দেখি—তুমি আমার, আর
কারো নও ।

কিশোর । গায়ে হাত তোলা কি ভালো ? বিশেষ তুমি আবার
স্ত্রীলোক ।

বালি । বটে ? বুঝেছি । (গমনোচ্ছত)

কিশোর । (ধরিয়্যা) আরে না না, কিছুই বোঝ নাই । এই নাও,

এই গায়ে হাত দিয়ে বল্ছি—(সুরে)

যথা তথা থাকি আমি,

তোমা বই নাহি জানি,

সকলি कहলি সবিশেষ ।

হায় গো সকলি कहলি সবিশেষ ।

~~~~~

পঞ্চম দৃশ্য ।

রাজপথ—একপার্শ্বে তুড়ুম ।

শ্রামসিংহ আসীন ।

শ্রাম । আমার মাকে বলিহারি যাই । এখনও রাত তুপুর হয়নি, এরই মধ্যে ঘুমের ভারে আমার চোক জড়িয়ে আসছে, আর সেই আশী বছরের বুড়ী কি না রোজ সারা-রাত শিব-পূজায় কাটায় ! মায়ের আমার শিবের প্রতি অচলা ভক্তি । কেবল এই পাড়া-কুঁহলী হ'য়েই সব মাটা করেছে । যা হোক, আজ দেখছি আর পটলীর বাড়ী যাওয়া হ'ল না । রাতটা দেখছি নিরিমিষা কেটে যাবে । রাজার যে কড়া হুকুম, তাতে আজ আর যেতে সাহস হয় না । অদৃষ্টে আজ দুঃখভোগ আছে, কে খণ্ডাবে ? কোথেকে এ শালার আপদ দুটো জুটলো ! এখন এই দিকটায় একবার ঘুরে আসা যাক ।

[ প্রস্থান ।

( সুসজ্জিতা চুণি ও বালির প্রবেশ )

বালি । ও সই ! কোটাল যে চ'লে গেল ভাই ?

চুণি । যাক না ; আবার ফিরবে এখন ।

বালি । সই ! প্রেমের দায় বড় দায়—নয় ?

চুণি । তা কি আজ বুঝলি ? বড় দায় না হ'লে, কোথাকার কে—কোটালের মন ভোলাতে, কোটালকে জব্দ করতে—এই রাততুপুরে রাস্তায় রাস্তায় ঘুর'বি কেন বল্ ?

বালি । বাড়ীওয়ালী মাসী কিন্তু ভাই অনেক সন্ধান রাখে । কোটালের যে স্বভাবচরিত্র ভাল নয়—ওর মা যে খুব শিবভক্ত, আর পাড়াকুঁহলী,—তা'ত মাসীই তোর রাজকুমারকে ব'লে দেয় ।

চুণি । ছিঃ—আমার রাজকুমার বলিস্ নি । তিনি মহাপ্রাণ, আমি

স্বপ্নিত বেণী । কিশোর বাবুরও ভাই বহুরূপী সাজবার তারিফ আছে । আজ দিনের বেলায় যে রকম বুড়ো বামুন সেজেছিলেন, তাতে আমিও চিন্তে পারি নাই—কথা কওঁতেও না । শেষে নিজে যখন খুলে বলেন, তখন বুঝতে পার্লাম । তবু ত আমি তাঁকে দিনরাতই দেখছি ।

বালি । এঁ্যা—দিনরাতই দেখছি, দিনরাতই দেখছি ?

চুণি । ভয় নেই লো, ভয় নেই । এতটা বিশ্বাসঘাতকতা করব না ।

ঐ লো কোটাল আসছে । ( কৃষ্ণবস্ত্রাবৃত কিশোরের বেগে প্রবেশ )

কিশোর । গান ধর, গান ধর ।

[বেগে প্রস্থান ।

( চুণি ও বালির গীত )

আমরা কারে দিই যৌবন ?

আমরা কারে দিব মন ?

নারি দিতে তারি হাতে

যে জন শতে বিলায় মন ॥

এ প্রাণ দিলে শঠের করে, কাঁদতে হবে অঝোরঝরে ;

এমন জনে দিই না মোরা অমূল্য রতন ॥

( সাহ্লাদে শ্রামসিংহের প্রবেশ ও অঙ্গভঙ্গী সহকারে গীত )

( বালিকে ) ওলো মোরে দে যৌবন ।

( চুণিকে ) ওলো মোরে দিনি মন ॥

( বালিকে ) আমি রাখব তোরে মাথায় করে

তুমি যে প্রাণ চাঁদবদন ॥

( চুণিকে ) ও প্রাণ চটো না লো তুমি,

কারণ অর্ধেক তোমার আমি.

আধখানা তোর, আধখানা ঙর—

ওলো ষাডুধন ॥

( পদতলে ডিগ্বাজী খাইয়া উত্থান )

বালি । আ-মর্ এ মিন্সে কে লা ? তোমার নাম কি ?

শ্রাম । আমার নাম পতি ।

বালি । শুধু পতি ত আর নাম হয় না । কি পতি ? যত্নপতি, পশু-  
পতি, শ্রীপতি, ভূপতি, উমাপতি না গণপতি ?

শ্রাম । আমার নাম উপপতি । ভগ্নীপতি ব'লেও ডাকতে পার ।

বালি । ( চিবুক ধরিয়্যা ) বটে রে আমার রসের সাগর, রসিক নাগর !

শ্রাম । ( হাই তুলিয়্যা ও আড়ামোড়া ভাঙ্গিয়্যা ) হরি হে !

( ইতাবসরে রমাপতির প্রবেশ ও শ্রামসিংহের  
পকেট মারিয়্যা প্রস্থান )

বালি । আবার হরি নামও করা হয় নাকি ?

শ্রাম । অবসর মত ।

বালি । ইয়ার, একটু মদ খাওয়াবে ভাই ?

শ্রাম । তবেই ত মৃদ্বিল ক'রলে, এত রাতে মদ কোথায় পাই ?

বালি । মদের ভাবনা কি ? টাকা দাও না, আমি এনে দিচ্ছি ।

শ্রাম । ( পকেট দেখিয়্যা ) এ কি ! আমার টাকা কোথায় গেল ?

বালি । টাকা ঠিক এনেছিলে ত ? না ভুলে মনে করছ—এনেছিলে ?

শ্রাম । না, না, ঠিকই এনেছিলুম ।

বালি । তবে জানার খলিটা ছেঁড়া নয় ত ?

শ্রাম । ছেঁড়া কি রকম ? আমি কি ছেঁড়া জানা পরি ? তা' যা' হ'ক,  
এখন মদের টাকা কোথায় পাই ?

বালি । আংটা দাও না ; কাল তখন টাকা দিয়ে ছাড়িয়ে নিও ।

শ্রাম । তোমাদের বাড়ী কোথায় ? কেমন লোক ?

বালি । ছিঃ—তুমি প্রেম জান না । আর লো, চলে আর ।

শ্রাম । তুমিই কোন্ জান ভাই ? নিজে বিশ্বাস ক'রে, ধার রাখতে



পারছ না, আর আমার বলছ বিশ্বাস করতে । তোমরা নিঃস্বর  
দিক্‌টাই ভাল বোঝ ।

বালি । বুঝিই ত । আমরা তোমার সঙ্গে কথা কাটাকাটি করতে  
চাই না । আয় লো, চলে আয় । ( চুণিকে আকর্ষণ )

শ্রাম । এ আমার নাম লেখা আংটা ভাই । যদি অণু কেউ দেখে ত  
কলঙ্ক রটবে । অণু আংটা হ'লে দিতে পারতুম ।

বালি । আর ভাইয়ে কাজ নাই, বোঝা গেছে । চল্‌ লো চল্‌ ।

( গমনোচ্ছত )

শ্রাম । ( স্বগত ) আজকের রেতে যদিই বা ভগবান্ রাস্তার মাঝেই  
জুটিয়ে দিলেন, তাও দেখছি রাখতে পারছি না । মরুক গে,  
কাল তখন টাকা দিয়েই ছাড়িয়ে নেবো । আজ বাড়ীটা চিনে  
গেলেই হবে । নইলে রাস্তার মাঝের এমন স্মৃতি মাটা হয় ।  
( প্রকাশে ) ওগো—ওগো ! এই নাও, এই নাও, আমি এতক্ষণ  
তামাসা করছিলাম । ( আংটা প্রদান )

বালি । তবে আমিই কোন্‌ সত্যি সত্যি চ'লে যাচ্ছিলুম । ও যেমন  
তোমার তামাসা করা, তেমনি আমার চ'লে যাওয়া । যে যার  
মনে মনে বুঝে দেখ ! ( আংটাতে লেখা নাম পড়িয়া ) তুমি  
শ্রামসিংহ ? সহর-কোটাল ? তোমার মত লোকের আংটা কি  
বাঁধা দিতে পারি ? অণু জায়গায় বাঁধা দিতে গেলে যে কোড়া  
থাব ভাই । আংটা তোমার এখনি ফিরিয়ে দেব । তবে কি জান  
ভাই, গরীবের অনেক সাধ যায় । ( আংটা নিজ অঙ্গুলিতে পরিয়া )  
বড় লোকের দামী আংটা গরীবের অঙ্গুলে কেমন মানায়, তাই  
একবার দেখবার সাধ । সই, ঘর থেকে এক বোতল মদ নিয়ে  
আয় ত ভাই । শীগ্‌গির আসবি । ( চুণির দিকে অগ্রসর হইয়া )

দেখ, আমার ঘরের দেয়ালে—( নিম্নসুরে ) কোটাল মদ খায় জেনে,  
এঁরা ঐ গাছতলায় মদ নিয়ে দাঁড়িয়ে আছেন। ( পূর্বসুরে )  
নিয়ে আয়। [ চুণির প্রস্থান।

( তুড়ুম দেখাইয়া ) এটা কি ভাই ? এইখানে বরাবর দেখছি, কিন্তু  
ওতে কি হয়, জানি না।

শ্রাম। ওটা তুড়ুম।

বালি। তুড়ুম কি ? ওতে কি হয় ?

শ্রাম। ওতে চোরকে শাস্তি দিতে হয়। রাত্রে গারদ খোলা রাখবার  
হুকুম নাই। রাত্রে যদি কোন চোর ধরা পড়ে, তবে তাকে এই  
তুড়ুমে আটকে রাখা হয়, পরে সকালে তার বিচার করি। এই  
দেখ না, আজ এক জোড়া চোর এতে আটকে দিচ্ছি।

বালি। ( স্বগত ) কে কাকে আটকার, তার ঠিক কি ?

শ্রাম। খুচরো খাচরা চোরদের বিচার আমিই ক'রে থাকি। তবে  
আজ রাত্রে যে চোর ধরব, তার বিচার রাজা নিজে এসে করবেন  
আজকের চোর যদি ধরা পড়ে,—যদি কি—নিশ্চয়ই পড়বে—তবে  
রাজা প্রাতঃস্মরণ থেকে ফেরবার সময় এইখানেই তাদের বিচার  
ক'রে দিবে যাবেন।

বালি। যাক, তা'হলে এতে মানুষ মরে না ?

শ্রাম। না। তবে কষ্ট পায়। তার উপর রাত্রে মধ্য যে তাকে  
দেখতে পায়, সেই প্রহার ক'রে যায় ; তা'তে মানা নাই।

বালি। আহা, এত কষ্ট আপনারা কোন্ প্রাণে দেন ?

শ্রাম। অপরাধীকে শাস্তি দেব, তাতে আবার প্রাণ টাণ কি ?

বালি। অপরাধ ত সকলেই ক'রে থাকে। ধরুন—আপনাদেরও যে  
মাঝে মাঝে অপরাধ না হয়, এমন ত নয়।

২৫২০৭/৩/০ ১৫.১১.১৯৫১

শ্রাম । আমাদের কথা ছেড়ে দাও, আমরা হলুম বড় চাকরে । যাক,  
ও সব কি কথা এনে ফেলো ? দুটো প্রেমের কথা কও,—কান, প্রাণ,  
ঠাণ্ডা হ'ক্ ।

বালি । প্রেমের কথা ? প্রেমের কথা—কুসুমিত কুঞ্জবনে, যমুনা-  
পুলিনে, কোমুদী-হসিত নিশীথেই ভাল । এই সদর রাস্তার উপরে,  
ইটকাঠের বাড়ীর ধারে, এই ঘুট্‌ঘুটে আঁধারে, চোরের কথাই সাজে  
ভাল । যাক, আপনি যেন প্রতাহ অধীনীকে দেখা দেবেন ।  
আজকের আলাপেই যেন প্রথম এবং শেষ না হয় । ওঃ—নিমেষের  
দেখায় তুমি আমায় কি ক'রে নিলে ? না ভাই, মেয়ে মানুষের মন  
এতটা খারাপ ক'রে দেওয়া, তোমার উচিত হ'ল না ।

শ্রাম । এ্যা—বল কি, বল কি ? ( গোপে তা দেওন )

বালি । ( স্বগত ) মরণ আর কি ! মুখাপোড়া মরে না ? কিন্তু মদ  
আন্তে গিয়ে সেই নিশ্চয়ই কিশোরকে ভাজাচ্ছে । নইলে এত  
দেবী হচ্ছে কেন ?

( মদ লইয়া চুণির প্রবেশ )

চুণি । এই নাও । ( শ্রাম হাত বাড়াইল, কিন্তু বালিকে দিল )  
তোমরা ব'স ভাই । আমার একটু কাজ আছে । আমি ঘরে যাই ।  
[ প্রস্থান ।

শ্রাম । চল না, আমরা শুদ্ধ যাই । ( স্বগত ) না বাবা, আজ আর যেতে  
সাহস হয় না । রাজার যে কড়া ছকুম । ( প্রকাশে ) এস মণি !  
এই তুড়ুমের ধারে বসেই মালটা টানা যাক । ( উভয়ের উপবেশন )

বালি । ( মদ ঢালিয়া ) খাও ।

শ্রাম । সে কি ! আগে প্রসাদ ক'রে দাও ।

বালি । তা কি হয় । তুমি গুরুলোক, তায় বড়লোক । তুমিই প্রসাদ  
ক'রে দাও ।

শ্রাম । বহৎ আচ্ছা । ( মদ্যপান ) ও বাবা, এ কি মদ ? একপাত্র  
খেতে না খেতেই যে পৃথিবী ঘুরে উঠল । ( শয়ন ) আঃ—উঃ—  
( অজ্ঞান )

( কৃষ্ণবস্ত্রাবৃত রমাপতি ও কিশোরের পা টিপিয়া প্রবেশ )

কিশোর । বালি ! এইবার তুমি বাড়ী যাও ।

বালি । ( আগ্রহে ) হ্যাঁগা ! মদ আন্তে গিয়ে সেই তোমাকে—

কিশোর । বলছিল যে, তুমি বালিকে ছেড়ে আমার ভালবাস । কি  
আপদ ! এখন ঘরে যাও । এর পর ঘরে গিয়ে, সে যে সমস্ত ভাল  
ভাল প্রেমের কথা আমার বলেছিল, তা তোমায় বলব এখন ।

বালি । যাও—তোমার সকল কথাতেই ঠাট্টা ।

কিশোর । তোমার এমন মিথ্যা আশঙ্কা দেখেও যদি লোকে ঠাট্টা না  
ক'র্বে, তবে আর ক'র্বে কখন ? এখন ঘরে যাও ত চাঁদ ।

[ বালির প্রস্থান ।

( রমাপতির প্রতি ) কালির খোলাটা কই রে ? চুঁগ আর সিঁদূরেরটা  
ত আমার কাছে রয়েছে ।

রমা । এই যে আমার কাছে । আগে তুড়ুমে ফেল্ । ( তুড়ুমে  
ফেলিল )

কিশোর । এইবার তুই এই কেঁপেঠাকুরটির রঙ মাখা । আমি বড়  
কারিগর, চক্ষুদান টক্ষুদান দেব এখন । ( রমাপতি শ্রামসিংহের মুখে  
কালি মাখাইল )

রমা । এই নে, কালি মাখান হ'ল ।

কিশোর । হ'ল ? তবে এইবার একবার আমাকে ছেড়ে দে । (চূণ দিয়া এক পার্শ্বের গৌফ আঁকিয়া ) বাহবা বাহবা ! সকাল বেলা সকলে যখন এ চেহারা দেখবে, তখন চিত্রকরদের ধন্যবাদ না দিয়ে থাকতে পারবে না । (চূণ ও সিঁড়রে সমস্ত বদন রঞ্জিত করিয়া ক্ষণেক নিরীক্ষণ পূর্বক ভেঙ্গাইয়া ) আহাঃ—হাঃ—(সুরে) সখি ! মদন-মোহনরূপ কে এল ?

রমা । চূপ । চ'লে আয় । কেউ এসে পড়তে পারে ।

কিশোর । আহা—দাঁড়া ভাই । চাঁদমুখখানি আর একবার দেখি .  
(সুরে) সখি ! মদনমোহন রূপ —

রমা । চূপ ।

[ কিশোরের মুখ চাপিয়া ধরণ ও উভয়ের প্রস্থান ।

## ষষ্ঠ দৃশ্য ।

প্রাক্কণ-মধ্যাহ্ন শিবমন্দির ।

লক্ষ্মী পূজায় রত ।

লক্ষ্মী । (স্তব)

প্রভুমীশমনীশমশেষ গুণং

গুণহীনমহীশ-গণাভরণম্ ।

রণ নির্জিত-তুর্জয়-দৈতা-পুরং

প্রণমাদি শিবং শিবকল্পতরুম্ ॥

এঁগা, ক্ষেমী আমায় বলে কি না কেপ্পণ—কুঁড়লী ! মরুক,—মরুক —  
মরুক । তার ভাতার-পুত্রের মাথা থাক ।

( কৃষ্ণবস্ত্রাবৃত রমাপতি ও কিশোরের প্রবেশ )

কিশোর । ওরে, বুড়ী এই বেলা চোক বুজে ধ্যান করছে, এই বেলা শিবলিঙ্গের পেছনে লুকিয়ে পড়্ । .ওরে, ধ্যান করছে না চোক বুজে কার সঙ্গে ঝগড়া করছে ।

রমা । লুকোনো হ'লেই তুই তোর কাজ আরম্ভ করিস্ ।

( লুকায়িত হওন ও কিশোরের অন্তরালে অবস্থান )

লক্ষ্মী । ( স্তব )

মুনিমানস-রঞ্জন-পাদযুগম্ ।

কলি-কল্মষ-ত্রাস-বিনাশকরম্ ॥

ভবমোচন ভক্তজনাশ্রয় হে ।

প্রণমামি দয়াময় দীনগতে ॥

কিশোর । ( দৈববাণী ) সাধিব : তোমার পূজায় আশুতোষ সন্তোষ-লাভ করেছেন । এ শোকতাপময় ধরাধামে তোমার আর অধিষ্ঠানের প্রয়োজন নাই । আজ দেবাদিদেব মহাদেব তোমাকে সশরীরে স্বর্গে নিয়ে যাবার জন্তু স্বয়ং ধরাধামে অবতীর্ণ হ'য়েছেন ! শিবলিঙ্গ ভেদ ক'রে ঐ দেখ তিনি আবির্ভূত হ'লেন ।

( রমাপতির মহাদেবরূপে আবির্ভাব )

লক্ষ্মী । দয়াময় ! দয়াময় ! দীনের প্রতি এত কৃপা ! ( সাষ্টাঙ্গে প্রণাম )

( নন্দীবেশী কিশোরের প্রবেশ )

রমা । সাধিব ! তোমার সশরীরে স্বর্গারোহণের জন্তু স্বর্গ হ'তে রথ আনয়ন করেছি । নন্দীর সঙ্গে যাও ; সে তোমাকে স্বর্গে নিয়ে যাবে । কিন্তু দেখ', পথে যেন চক্ষুঃস্মীলন কর'না । তা হ'লেই স্বর্গচ্যুত হবে ।

( অন্তর্দান )

লক্ষ্মী । ইষ্টদেব ! তোমার কৃপায় আজ আমার জন্ম সফল হ'লো ।

( প্রণাম )

কিশোর । এস মা, সঙ্গে এস । রথ প্রস্তুত ।

লক্ষ্মী । চল বাবা ! বাপ নন্দী, টাকাকড়িগুলো সব সঙ্গে নেওয়া হ'ল

না ?—আমার ছেলের হাতে টাকা পড়লে সে সব উড়িয়ে দেবে ।

কিশোর । না মা, তা হয় না । টাকাকড়ি সঙ্গে যায় না । চাবিটাবী

সব খুলে আমায় দাও—আমি তোমার ছেলের বিছানায় কেলে  
দিয়ে আসি । ( চাবীগ্রহণ )

লক্ষ্মী । বাবা, ক্ষেমীর বড় দেমাক—আমায় বলে কেপ্পণ—কুঁহলী ; সে

যাতে ভাতার-পুতের মাথা খায়, এটা ক'রে দিও ।

কিশোর । আচ্ছা, এর ব্যবস্থাটা ক'রে দেব । চল ।

## সপ্তম দৃশ্য ।

বন ।

( কাঠুরিয়া বালকগণের গীত )

আনি মানি জানি না ।

আমরা হাসি খেলি, মনের সুখে, দুঃখ কেমন জানি না ॥

আমরা কাঠ কাটি, কোপাই মাটি, রোদ বৃষ্টি মানি না ।

আমরা গাছে চড়ি, মারি পাড়ি, ভরা তুফানে,

আমরা বাঘ মারি, হরিণ ধরি, ডরাই না মনে ,

আমরা হেসে খেলে দিন যে কাটাই কারো কথা শুনি না ॥

## অষ্টম দৃশ্য ।

## রাজপথ ।

এক পার্শ্বে তুড়ুম । তুড়ুমে লক্ষ্মান শ্যামসিংহ ।

( কাঠের গাড়ীতে চক্ষু মুদিয়া উপবিষ্টা লক্ষ্মীকে মাঝে মাঝে চাটু মারিয়া  
টানিতে টানিতে কিশোরের প্রবেশ )

লক্ষ্মী । হাঁ বাবা ! স্বর্গ আর কত দূর ?

কিশোর । স্বর্গ কি আর একটু রাস্তা ম', যে রথে চড়বে আর পৌঁছুবে ?

লক্ষ্মী । স্বর্গের পথ এত খারাপ কেন বাবা ? গায়ে গাছের ডাল  
লাগছিলো, আবার এমনি ঝাঁকানি, যে প্রাণ ওষ্ঠাগত হয়ে গেছে ।

কিশোর । কষ্টভোগ ভিন্ন কি স্বর্গভোগ হয় মা ? তা যদি হ'ত, তবে  
সবাই যে স্বর্গে যেত । ঐ গাছের ডালটাল ঝাঁকানি-টাকানি—  
'ওগুলো সব পরীক্ষা । ঐ পরীক্ষায় উত্তীর্ণ হয়েছ ব'লে, স্বর্গদ্বার পর্যন্ত  
পৌঁছুতে পেরেছ । এইবার আরও গুরুতর পরীক্ষায় উত্তীর্ণ হ'তে  
হবে । দেবতার নানা ছলে তোমাকে চোক চাওয়ানোর চেষ্টা  
ক'বে । কিন্তু সেই ছলনায় ভুলে চোক চেয়েছ, কি ধপাস ক'রে  
নরকে পড়েছ,—এটা বিশেষ মনে রেখ ।

লক্ষ্মী । বটে ? কিন্তু বাবা, ক্রমাগত চোক বুজে থেকে প্রাণ যে বেরুবে  
বেরুবে করছে । অনুমতি কর বাবা, একটীবার চোক ছুটো চেয়ে নিই ।

কিশোর । এ্যা-হ্যা-হ্যা—তা হ'লে স্বর্গে যাওয়া এইখান থেকেই খতম ;  
তার উপর ধপাস ক'রে নরকে পতন । খবরদার, খবরদার, চোক  
কিছুতেই চেও ন', মুক্তির দ্বারে এসে ফিরে যেও না ।

লক্ষ্মী । বেশ বাবা । কিন্তু বাবা, দেবতার বাহনটি যে মাঝে মাঝে চাটু  
ছুড়ছে ।



কিশোর । হাঁ—হাঁ—হাঁ, চাট্ বলতে নেই, চাট্ বলতে নেই । পদধূলি  
নাও—পদধূলি নাও ।

( রমাপতির সাধারণবেশে প্রবেশ )

রমা । বৎস নন্দী ! সাধ্বীকে ব'লে দাও, আমি বতক্ষণ না এই স্বর্গদ্বারে  
এসে সাধ্বীকে চক্ষুরুন্মীলন করতে বলব, ততক্ষণ পর্য্যন্ত যেন আর  
কোন দেবতার ছলনায় সাধ্বী চক্ষুরুন্মীলন না করেন ।

লক্ষ্মী । ও কি বাবা ?

কিশোর । দৈববাণী । শুন্লে ত ? চোক যেন চেও না ।

লক্ষ্মী । না বাবা, আর কি চাই ?

কিশোর । হাঁ, খবরদার । এইখানে চূপ ক'রে চোক বুজে ব'সে থাক ।  
দেবতারা এসে নানা মায়া সৃজন করবে । কেউ বা তোমার ছেলের  
স্বরে, কেউ বা কোন আত্মীয় বা ভৃত্যের স্বরে বিলাপ করবে বা  
আনন্দ করবে । কিন্তু তাতে ভুলে চোক চেও না । সেই পরীক্ষাটার  
যেমন উদ্ভীর্ণ হবে, অমনি দেবাদিদেব মহাদেব এসে হাত ধ'রে  
তোমাকে স্বর্গে নিয়ে যাবেন । আমি তোমাকে কেবল স্বর্গদ্বারে  
পৌঁছে দিয়ে গেলুম । খবরদার, এই বার বার সাবধান ক'রে দিয়ে  
গেলুম, চোক যেন চেও না ।

লক্ষ্মী । না বাবা, আর বলতে হবে না । আমি এই কিটিমিটি ক'রে  
চোক বুজে রইলুম । ক্ষেমী, এইবার তোর দেমাক ভাঙ্‌চি ।

( রমাপতি ও কিশোরের অস্তুরালে গমন )

শ্রাম । ওঃ—প্রাণ যায় ; রক্ষা কর, প্রাণ যায় । মায়া-স্বর্গে উঠ্‌ছিলুম,  
এখন চোক চেয়ে দেখি, প্রকৃত নরকে ডুব্‌ছি ।

লক্ষ্মী । ( স্বগত ) তবে ত কোন মতেই চোক খোলা হবে না । এও

আমার মত স্বর্গে উঠছিলো, চোক চাওয়াতে নরকে পড়েছে ।  
প্রাণান্তেও চোক চাওয়া হবে না । ফেমী, এইবার তুই গেলি ।

( কয়েকজন নাগরিকের প্রবেশ )

১ম-নাগ । ওহে, ফরসা হ'য়ে গেছে, একটু হেঁটে চল, নইলে পৌঁছুতে  
সূঁচি মাথায় উঠবে ।

২য়-নাগ । আরে—আরে, এক শালা চোর তুড়ুমে আটকানো রয়েছে ।

১ম-নাগ । তাই ত হে । মার শালাকে । ( সকলে মিলিয়া প্রহার ) ।

শ্রাম । বাপ্—বাপ্, ছেড়ে দে, ছেড়ে দে, আমি সহর-কোটাল ।

১ম-নাগ । এখন সব শালাই কোটাল সাজে । ওহে, কোটাল মশায়ের  
মুখের ভঙ্গীখানা একবার দেখ । ( হাস্য ) মরি মরি, হ্যাঁ শালা,  
চুরি করবে ? ( প্রহার )

( জনৈক প্রহরীর প্রবেশ )

প্রহরী । কি হয়েছে মশায় ?

১ম-নাগ । এক শালা চোর তুড়ুমে আটকানো রয়েছে ।

প্রহরী । তবে ঘণ্টা বাজিয়ে লোক জড় করা যাক্ । ( ঘণ্টাধ্বনি )

২য়-নাগ । রাজা মন্ত্রীও জড় হবেন ত ?

প্রহরী । হবেন বৈকি । আজকের এ চোর দেখতে রাজা স্বয়ং এখানে  
আসবেন ।

২য়-নাগ । ওহে তবে দাঁড়াও, বিচারটা শুনে যাওয়া যাক্ ।

( রাজা, মন্ত্রী ও অগ্ৰাণ নাগরিকগণের সহিত নাগরিকবেশে

রমাপতি ও কিশোরের প্রবেশ )

৩য় । প্রহরি ! চোরকে বন্ধনমুক্ত কর । ( তথাকরণ )

ভরত । কৈ হে চোর ! এইবার তোমার প্রতিশ্রুত লক্ষমুদ্রা পারি-  
তোষিক দাও ।

গ্রাম । ( এতক্ষণ অধোমুখে ছিলেন, মুখ তুলিয়া ) আজ্ঞে আমি—

( রমাপতি ও কিশোরের শ্যামসিংহের মুখের দিকে অঙ্গুলিনির্দেশ  
করিয়া হাস্য—তদর্শনে সকলের হাস্য )

রণ । এ কি চমৎকার চিত্রিত বদন !

কিশোর । লোকে যাতে চিন্তে না পারে, বোধ হয়, তারই একটা  
কৌশল ।

রণ । কোড়া লাগাও । ( প্রহরিগণ কর্তৃক কোড়া প্রহার )

গ্রাম । ও বাবা ! মহারাজ, আমি সহর-কোটাল শ্যামসিং ।

কিশোর । তার চেয়ে বল না কেন, যে খোদ মহারাজ ।

রণ । সহর-কোটাল শ্যামসিং ? এখনও চালাকি ? কোড়া লাগাও ।

( প্রহরিগণ কর্তৃক কোড়া প্রহার )

গ্রাম । ওঃ ! মহারাজ ! সত্য সত্যই আমি শ্যামসিং । পাহারা দিতে

দিতে তৃষ্ণায় কাতর হ'য়ে এক ব্যক্তির নিকট একটু জল চাই । সেই

জল পান কর্‌বামাত্র অজ্ঞান হয়ে পড়ি । তার পর কি হ'ল, কিছুই

জানি না । যখন জ্ঞান ফিরল, তখন দেখি, আমি তুড়ুনে আটকানো ।

কিশোর । সেটা কি রঙের জল ছিল কোটাল মশায়, যে খেতে না

খেতেই একেবারে অজ্ঞান হয়ে পড়লেন ? ( শ্যামসিংহ কিশোরের

প্রতি ক্রোধ-কটাক্ষ করিল )

রণ । সে কি ! সত্যই ত শ্যামসিং । আচ্ছা, তোমার মুখ অমন নানা

বর্ণে চিত্রিত কেন ?

গ্রাম । ( মুখে হাত দিয়া ) কৈ ?

রণ । চোকের তারা নাচু ক'র লে কতকটা দেখতে পাবে ! ( গ্রামসিংহের তথাকরণ ও সকলের হাস্য ) ।

এ কে ক'রলে জান ?

শ্রাম । কিছুই তো বলতে পার লুম না মহারাজ ।

রণ । মন্ত্রি, এ নিশ্চয়ই সেই চোরের কাজ ।

রমা । তা হ'লে তাতে আর কোন সন্দেহ নাই মহারাজ ।

শ্রাম । আমি মুখ পরিষ্কার ক'রে আসি ।

কিশোর । আহা, সে ভদ্রলোক এত কষ্ট ক'রে এঁকেছে ; আর আপনি শেষে ধুয়ে ফেলবেন ?

[ কিশোরের প্রতি ক্রোধ-কটাক্ষ করিয়া গ্রামসিংহের প্রস্থান ।

লক্ষ্মী । হ্যা বাপ, নন্দী, স্বর্গে এত গোলমাল হচ্ছে কেন ? এই কি দেবমায়ী ?

ভরত । আরে, এ কি ? এ দিকে এতক্ষণ কারো নজর পড়েনি ?

রমা । সবাই ঐ চিত্রিত মুখ দেখতেই ব্যস্ত ছিল, এ দিকে আর কে চেয়েছে বলুন ?

ভরত । এই বুড়ী ! তাকে এমন অপূর্ব রথে চড়িয়ে কে রেখে গেল ?

লক্ষ্মী । নন্দী গো দেবতা ।

ভরত । নন্দী ! নন্দী কে ?

লক্ষ্মী । ও মা, নন্দী কে, জান না ? তোমাদেরই মহাদেবের চেলা ।

কিশোর । বুড়ী পাগল নাকি ?

ভরত । এই, তুই চোক বুজে ব'সে কেন ?

লক্ষ্মী । চোক চাইতে মানা দেবতা, চোক চাইতে মানা । চোক চাইলেই স্বর্গ থেকে পড়ে যাব ।

রমা । আরে, এ তো মন্দ তামাসা নয় ।

লক্ষ্মী । আমি বুড়ো মানুষ, কেন দেবতা আমার নিয়ে তামাসা করছ ।  
তোমরা দেবতা—অন্তর্যামী, সবই ত জানছ ঠাকুর । দয়া করে  
মহাদেবকে ডেকে দাও । (স্বগত) তার পর ক্ষেমীকে একবার  
দেখে নিচ্ছি ।

(শ্রামসিংহের ভৃত্য হারুর প্রবেশ)

হারু । কোটাল মশায় কোথায়, মন্ত্রী মশায় ?

ভরত । ও ধারে মুখ পরিষ্কার করছেন । তুমি এত ব্যস্ত যে ?

হারু । আঃ, সকাল থেকে তাঁর মাকে দেখতে পাচ্ছি না । তা  
ছাড়া বাড়ীর সিন্দুক প্যাটরা সব খোলা পড়ে রয়েছে ।

রণ । কি সর্বনাশ ! আচ্ছা, এ বৃদ্ধা ত কোটালের মা নয় ?

হারু । ধম্মাবতার ! ইনিই ত । গিন্নী মা, গিন্নী মা !

লক্ষ্মী । কে ?—বাপ নন্দী ? দেবতা কতদূর বাপু ? আর কতক্ষণ  
চোক্ বুজে বসে থাকব ?

হারু । নন্দা আবার কে ? মা ! আমি যে আপনার চাকর ।

লক্ষ্মী । কেন দেবতা, চাকর সেজে ছলনা করছ ?

হারু । ছলনা কি গিন্নী মা ! আমি যে আপনার চাকর হারু ।

লক্ষ্মী । তোমার পায়ে পড়ি দেবতা, ছলনা ছেড়ে, মহাদেবকে ডেকে  
দাও ।

হারু । ও কি গিন্নী মা ! পায়ে পড়া কি ? দিন্—দিন্—আমায় পায়ের  
ধুলো দিন্ ।

লক্ষ্মী । সর্বনাশ ! তুমি আমায় পায়ের ধুলো দাও দেবতা ।

হারু । করেন কি, করেন কি, গিন্নী মা ! পায়ের ধুলো দিন্ ।

লক্ষ্মী । আর আমার অপরাধ বাড়িও না দেবতা । তোমার পায়ের  
ধূলো দাও । ( স্বগত ) ওঃ—এই সমস্ত দেবমারা ।

হারু । আপনি কি শেষে পাগল হয়ে গেলেন ? চোক চেয়ে দেখুন, এ  
আপনার স্বর্গ নয় । এই দেখুন,—মহারাজ, মন্ত্রী মশায়, সকলেই  
সামনে দাঁড়িয়ে ।

লক্ষ্মী । কে, দেবরাজ ইন্দ্র ? প্রণাম হই দেবতা ।

রণ । কোটাল-মাতা, নবাগত চোরদের কথা তুমি অবশ্য শুনেছ ;  
তুমি সেই চোরের দ্বারা প্রতারিত হয়েছ । চোর তোমার ছেলেকে  
তুড়ুমে ফেলে হনুমান্ সাজিয়েছে, আর তোমাকে ছল ক'রে স্বর্গে  
নিয়ে যাবার নাম ক'রে, এক অপূর্ব রথে চড়িয়ে রাজপথে এনে  
হাঙ্গির করেছে । ভদ্র-মহিলা তুমি, কেন আর সর্ব-সমক্ষে  
হাস্যাম্পদ হচ্ছ ?

লক্ষ্মী । ( চাহিয়া ) ও না, তাই না কি ? ছিঃ-ছিঃ-ছিঃ ! হারু, পাকী  
ডাক্—পাকী ডাক্ ।

[ হারুর সহিত প্রস্থান ।

রণ । মন্ত্রি ! এ চোর ভদ্রানক চোরই বটে । যেমন ক'রে হোক,  
এ চোর ধরতেই হ'বে । মন্ত্রি, আজ রাতে তুমি নিজে পাহারা দাও ।  
আর সহরে ঘোষণা ক'রে দাও—সকলেই যেন বিশেষ সতর্ক  
থাকে ।

ভরত । যথা আজ্ঞা । ( স্বগত ) যদি ধরতে পারি, তবে চোরদের  
লক্ষ মুদ্রা ত পাবই ; রাজাও কোন্ আর লক্ষ মুদ্রা না দেবেন ।  
তা'হলেই একটা খুব বড় জমিদারী কেনা হ'বে ।





## দ্বিতীয় অঙ্ক ।

প্রথম দৃশ্য ।

সারদার বাটার প্রাক্কণ ।

চুণি .ও বালি ।

বালির গীত ।

ধরতে গিয়ে দিয়েছি ধনা, এখন ভেবে হুঁ গারা ॥  
মনে সদা জাগে ভয়. বুঝি কেউ চুরি করে লয়,  
মনে জানি তবু আমি সে তো আমার নয়,  
জেনে শুনে হলেন সপি, সেধে আমি জাগন্তে মরা ॥

চুণি । তোর এ কি সন্দিগ্ধ মন ভাই, সই ? “কেউ বুঝি বা চুরি ক’রে  
লয়” এর ‘কেউ’ ত আমি । একশবার বলুম সে, তোর ধন আমি  
কেড়ে নেব না—সে আমার ভাই,—তবু তোর বিশ্বাস হ’ল না ।  
এত সন্দিগ্ধ মন তো ভাল নয় সই !

বালি । না ভাই, তোকে আমার অবিশ্বাস নেই । কিন্তু তবু—তবু—  
যেন কেমন এক রকম আপনা-আপনি মনে হয় ।

( রমাপতি, কিশোর ও সারদার প্রবেশ )

রমা । তার পর মাসি, তোমার বোকা রাজার ত ঐ এক মেয়ে । তার ধনুক-ভাঙ্গা পণ যে, “বাহাদুর” ভিন্ন বিবাহ করবে না । এখন মন্ত্রী বাড়ীর খবরটা বল । তোমার পুরস্কারের জন্ত তুমি ভেব না । যে লক্ষ মুদ্রা আমি চোরকে ধরতে পারলে দেব বলেছি, তা আমি তোমাদেরই দিয়ে যাব । ব’স মাসি, এইখানেই ব’স ।  
( সকলের উপবেশন )

সারদা । তুমি রাজার ছেলে বাবা, তোমার কাছে কি টাকার ভাবনা করি ? তুমি দেব বলেই দেওয়া হ’ল । লাখ টাকা কি আর তোমার গায়ে লাগে ! তোমার হাত ঝাড়েই পর্কত ।

কিশোর । আর বগল ঝাড়েই—

রমা । হতভাগা, শেষ আমার সঙ্গে লাগলি বুঝি ? হ্যাঁগা, এই উল্লুক-টাকে তোমরা কেউ জব্দ করতে পারলে না ? সময় নেই, অসময় নেই, যেখানে সেখানে গান গেয়ে ওঠে ; যা-তা বলে । পাগল হয়ে গেল না কি ?

কিশোর । ( বালির চিবুক ধরিয়া সুরে )

তোমার তরেতে হইলু পাগল,  
জাগল তবু সে মুখ—

বালি । যাও । ( মুখ ফিরাইয়া লইল )

রমা । ও বাবা ! “হিসিসু গরজে ফণী” !

রমা । মাসি ! তুমি একে জব্দ করতে পার ?

সারদা । পারি বৈ কি ।

কিশোর । ( বিক্রম স্বরে ) কেমন ক’রে পারবে মাসি ?



রমা । আঃ—কিশোর—

কিশোর । এই চুপ করলুম । মাফ কর ।

রমা । মাসি ! তুমি বল । ও হতভাগার কথায় কাণ দিও না ।

মন্ত্রীর বাড়ীর খবরটা বল ।

সারদা । মন্ত্রী কুপণ ; অর্থ-পিশাচ হলেও অসৎ নয় । মন্ত্রী মহাশয়ের স্ত্রী আছেন,—আর একটি মেয়ে আছে । মেয়েটির বয়স বছর ১৪।১৫ হবে । আহা, মেয়েটি বড় সতী-লক্ষ্মী গো—বড় সতীলক্ষ্মী ! আমারূপ গ্রামের এক বড় সওদাগরের ছেলের সঙ্গে বিয়ে হয় । বিয়ের পর-দিনই শুনেছি, ভাতার ছোঁড়াটা কোথায় পালিয়ে যায় ।

( কিশোর চমকাইল )

রমা । কি কিশোর, চমকালি যে ?

কিশোর । ও কিছু নয় । তুমি ব'লে যাও মাসি ।

সারদা । তার পর থেকে ভাতার ছোঁড়াটার আর কোনই সন্ধান পাওয়া যায় নাই ; কিন্তু মেয়েটি এমনি সতীলক্ষ্মী যে, তেমন মুখপোড়া দস্তি ভাতারের খড়ম পূজো ক'রে তবে জলগ্রহণ করে ; সকাল সন্ধ্যো খড়ম জোড়াটাকে মাথায় ঠেকায় । আহা, মেয়েটি রূপে লক্ষ্মী, গুণে সরস্বতী ।

চুনি । ( স্বগত ) আহা ! সতীর গুণ-গান বেষ্ঠাতেও ক'রে থাকে ।

ধন্য তোমরা সতীকুল ! ( প্রণাম )

কিশোর ; মাসি ! আমার কথাগুলো ধ'র না । আমি মাপ চাচ্ছি ।

সারদা । সে কি বাবা ! সে কি বাবা ! তোমার কথা ধর'ব কি ।

আহা, কিশোর বাবু আমাদের বড় ভাল ছেলে । জল-টল খেয়েছ বাবা—জল-টল খেয়েছ ?

কিশোর । কৈ, কে দিলে ? ( বালি উঠিল )

সারদা । সে কি বাবা ! এই যে বালি মা আমার খাবার আনতে উঠেছে । আহা, বালি মা আমার কিশোর বাবুকে বড় ভালবাসে !  
বালি । ( লজ্জায় বসিয়া ) যাঃ—আমি উঠে কাপড় পর্‌নুম ; জল-  
খাবার আনতে যাব কেন ?

সারদা । আহা ! মায়ের আমার বড় লজ্জা । আমি ও দেখিছি,—ভাল-  
বাসলে আপনি লজ্জা এসে পড়ে ।

বালি । দূর । ( সারদার মাথায় ঠেলা দিয়া পলাইল )

সারদা । এ্যা—ছু ডি, আমাকে মেরে গেল গা ! যা তো মা চুনি, কিশোর  
বাবুকে খাবার এনে দে তো ।

চুনি । দিই । ( উত্থান )

কিশোর । আর আনতে হবে না দাদি, তুমি ঠিক ক'রে রাখ গে. আমি  
গিয়ে থাকছি ।

চুনি । ( রমাপতির প্রতি ) তুমি খেয়েছ ?

রমা । না । এই এক সঙ্গেই খাব এখন ।

সারদা । ( হঠাৎ চুনির চুল খোলা দেখিয়া ) হ্যা লো, চুল বাঁধিস্ নি  
কেন ?

চুনি । বাঁধি নি ।

[ প্রস্থান ।

সারদা । ছুঁড়ী কি সন্ন্যাসিনী ফন্ন্যাসিনী হবে নাকি ? যাই, চুলটা  
বেঁধে দিই গে ।

[ প্রস্থান ।

কিশোর । রমা ! চুনি যথার্থ দেবী হ'য়ে গেল । আশ্চর্য্য পরিবর্তন ।  
তুইও দেবতা । আমি এত দিন তোকে ঠিক বুঝতে পারি নাই ;

পরীক্ষায় না পড়লে মানুষের স্বরূপ ঠিক বুঝতে পারা যায় না ।

রমা । এ আমার দেবত্ব নয় ভাই—মনুষ্যত্ব । কিন্তু আমরা বড়ই

অন্টার করছি। বালি তোর প্রতি দিন দিন ষেক্রপ আকৃষ্ট হয়ে পড়ছে, তাতে শীঘ্র কোন প্রতিবিধান না করলে তোদের বিচ্ছেদ-সময়ে বালিকা উন্মাদিনী হ'য়ে যেতে পারে।

কিশোর। কি প্রতীকার করব বল ? এক দিন সব খুলে বলব ?

রমা। নিষ্ঠুর হ'ক, তবু এখানে থাকতে থাকতে খুলে বলাই বোধ হয় যুক্তিসঙ্গত। প্রকাশ ক'রে বলার পরও তুই এখানে থাকলে, ও মন স্থির করবার সময় পাবে—অন্ততঃ চেষ্টাও করবে। কিন্তু না বলে ক'য়ে হঠাৎ একদিন চ'লে গেলে—অবোধ বালিকা নিশ্চয়ই উন্মাদিনী হবে।

কিশোর। আচ্ছা, আজই খুলে বলব। বাড়ীওয়ালী একটা গ্রামের নাম ক'রেছিল—ক'নেছিলি ?

রমা। হ্যাঁ—তোদের গ্রাম—আমারুণের নাম ক'রেছিল।

কিশোর। রমা! সেই “মুখপোড়া দক্ষিণ ভারত” আনি।

রমা। বলিস্ কি! ওহো, তাই বুকি তখন চমকালি ? তোরই স্বপ্নের এখানে মন্ত্রী হ'য়েছেন ? তা হ'লে আজ আর মন্ত্রীর বাড়ীতে চুরি ক'রে কাজ নাই।

কিশোর। চুরি বন্ধ করবে কেন ? হ'লেনই বা স্বপ্নের। তাঁর ধন যখন আবার তাঁকেই ফিরিয়ে দেওয়া হবে, তখন আর চুরির বাধা কি ? আর যখন সমাজের হাল-আইনে স্বপ্নের ধন ডাকাতি ক'রে নেবার ব্যবস্থা হয়েছে, তখন চুরি ত বাপের ঠাকুর।

রমা। এখন কি মতলব ঠাওরিছিস্ বল দেখি ?

কিশোর। মতলব ত পড়েই আছে। জামাই—একেবারে জামাই সেজে গিয়ে স্বপ্নেরবাড়ী হাজির হবে। আমাকে ত তারা চেনে না—সেই বিয়ের রাতে প্রথম ও শেষ দেখা।

রমা । কিন্তু লোকে যদি সতী-লক্ষ্মীর নামে কলঙ্ক রটায় ?

কিশোর । কলঙ্ক-ভঞ্জন ত আমারই হাতে । সে জগ্ন ভাবিস্নি ।

রমা । আচ্ছা, আমি একটা কথা ভাবি—তোমার প্রাণে এত দুঃখ, তুই  
দিন-রাত অমন সরলভাবে হাসিস্ কি ক'রে ?

কিশোর । কি জানিস্ ভাই, হাসি পেলেই প্রাণ খুলে হাসি, কান্না  
পেলেই প্রাণ খুলে কাঁদি ।

[ উভয়ের প্রশ্নান ।

## দ্বিতীয় দৃশ্য ।

### রাজসভা ।

রূপরাও, শ্যামসিংহ, অমাত্যগণ, নাগরিকগণ ও নাগরিকবেশী রমাপতি ।

রূপ । মন্ত্রীকে সভায় উপস্থিত দেখ্ছি না কেন ?

রমা । কাল সারারাত্রি জাগরণ ক'রেছেন ; বোধ হয়, সেই জগ্ন এখনও  
আসতে পারেন নাই ।

রূপ । কাল রাত্রে কোথাও চুরি হয়েছে কিনা, কেউ জানো ?

সকলে । আজে না ।

রূপ । তবে কাল রাত্রে মন্ত্রীর পাহারায় আর চোরের চাতুরী খাটে নাই ।

শ্যাম । ধর্ম্মাবতার ! সেটা ঠিক বলা যায় না । কারণ, তারা বড়  
বিষম চোর ।

রমা । সেটা কোটাল মশায় যেমন বলতে পারবেন, তেমন আর কেউ  
পারবে না । ( শ্যামসিংহের ক্রোধকটাক্ষ )

( প্রহরীর প্রবেশ )

প্রহরী । মহারাজ, একজন ভদ্রলোক এই পত্রখানি দিলেন, আর বল্লেন যে, এতে চোর ধরবার উপায় লিখিত আছে । আমি তাকেই চোর ব'লে যেমন ধরতে গেছি, অমনি দেখি, সে আর সেখানে নাই ।

( পত্র প্রদান )

রণ । ( পত্র-পাঠান্তে ) সর্বনাশ ! শীঘ্র মন্ত্রীকে ডেকে নিয়ে এস ।

সকলে । সংবাদ কি মহারাজ ?

রণ । চোরে মন্ত্রীকেও ঠকিয়েছে ।

সকলে । তাই ত ! আশ্চর্য্য চোর—আশ্চর্য্য চোর !

( মন্ত্রীর প্রবেশ )

রণ । এই যে মন্ত্রী । মন্ত্রী ! এই পত্রে লেখা আছে যে, কাল রাতে তোমার বাড়ীতেও চুরী হ'য়ে গেছে ; এ কি সত্য ?

ভরত । সত্য মহারাজ ।

রণ । নাকি জামাই সেজে—

ভরত । ও কথা আর তুলবেন না, ধন, মর্যাদা সব গেছে ।

রণ । মর্যাদাও কি গেছে ? আমি জামাই সেজে যাওয়ার জন্য মর্যাদা-হানি সম্ভব ভেবেছিলুম ।

ভরত । জামাই পরিচয়টাও যখন দিয়েছে, তখন আর মর্যাদা যেতে বাকী কি ?

রণ । বড় সর্বনেশে চোর দেখছি । তার উপর আবার ধৃষ্টতা দেখ দেখি ! এই পত্রে লিখেছে যে, আমার অর্দ্ধেক রাজস্ব পেলে তারা অনুগ্রহ ক'রে ধরা দিতে পারে । এর প্রতিফল দিতেই হবে । আজ ঘোষণা ক'রে দাও যে, আজ থেকে রাতে কেউ বাড়ীর বা'র হ'তে পাবে না । যে বেরবে, সেই চোর ব'লে প্রহরিগণ কর্তৃক ধৃত হয়ে তুড়ুমে

আট্‌কানো থাকবে । আর আজ রাতে আমি নিজে পাহারা দেব  
সভালগ্ন হ'ক ।

রমা । ( স্বগত ) ওঃ ! এইবার তা হ'লে মহারথীর পাহারা ।

### তৃতীয় দৃশ্য ।

সারদার বাটা—কিশোরের কক্ষ ।

কিশোর ।

কিশোর । সবিতা ! কাল রাতে কেবল ক্ষণেকের জ্ঞান তোমায় দেখেছি ।  
তুমি এত সুন্দর,—তোমার হৃদয় এত সুন্দর, আগে তা কে জানতো !  
আগে যদি জানবার একটুও চেষ্টা করতুম, তবে সেই সময়েই  
জ্ঞান ফিরে যেত ; অসৎপথে গিয়ে জীবনটাকে তিক্ত ক'রে ফেলতুম  
না । আমার অদৃষ্টে কলঙ্ক আছে, তাই তখন রূপ দেখিনি, গুণ  
বুঝিনি । ভগবান্, হৃদয়ে বল দাও, যেন সবিতার উপযুক্ত হ'তে  
পারি ।

( কিশোরকে অন্বেষণ করিতে করিতে বালির প্রবেশ )

বালি । ( কিশোরকে দেখিয়া ) এই যে ।

কিশোর । এসেছ !

বালি । তুমি একলাটি চুপ ক'রে ব'সে যে ?

কিশোর । তবে দোকলাটি কার সঙ্গে গোলমাল ক'রে বেড়াব ?

বালি । কেন কিশোর, তুমি আমার কথায় অমন ভাবে উত্তর দাও ?

আমি কি কোন দোষ করেছি ?

কিশোর । তুমি কোন দোষ কর নাই বালি, কিন্তু তোমার সঙ্গ দৃশ্যীয় ।  
বালি । তা কি আমিই জানি না কিশোর ? কিন্তু কি করব বল ? এখন  
ত আর শত চেষ্টাতেও আমার সতীত্ব ফিরে পাব না ।

কিশোর । বালি ! আমার একটি কথা শুনবে ?

বালি । তোমার কোন্ কথা না শুনি ?

কিশোর । তবে শোন । দেখ, আমি বুঝেছি যে, তুমি আমায়  
ভালবেসে ফেলেছ ; আমিও আমাদের স্বার্থসাধনের জন্ত প্রথমটা  
তোমায় বাধা দিই নাই । আজ এর পরিণাম ভাবতে গিয়ে  
আমার ভুল বুঝতে পেরেছি—পেরে উপায়হীন হয়েছি । তাই  
আমার নির্ভর ছলনা প্রকাশ করা ব্যতীত আর উপায়ান্তর দেখতে  
পাচ্ছি না । দেখ, আমরা বিদেশী পাখা ; কবে উড়ে যাব, তার ঠিক  
নেই । আমায় ভালবেসে কেবল কষ্ট পাবে মাত্র—প্রতিদান পাবে  
না । তাই বলছিলাম, এখন থেকে মনটা ফিরিয়ে নেবার চেষ্টা করা  
উচিত নয় কি ? এই দেখ, চূর্ণ—

বালি । যাও । তুমি বুঝি এই বলতে আমায় ডাকলে ?

[ প্রস্থানোত্তত ।

কিশোর । ( ধরিয় ) যেও না, শোন । এটা তুমি ভ্রামসা মনে ক'র  
না, আমি প্রকৃত কথাই বলছি । এখন থেকে মনস্তির করবার  
চেষ্টা কর, আমার আশা ত্যাগ কর ।

বালি । ( নাসা কুঞ্চিত করিয়া ) কে তোমাকে ভালবাসে ? কে  
তোমার আশা করে ? আমি অমন কারো আশা করি না । আমি  
অমন ভালবাসা আঁচলে ক'রে ছড়িয়ে বেড়াই না ।

[ প্রস্থান ।

কিশোর । অবোধ বালিকা ! বোঝালেও বুঝিনি ? আর তোরই

বা দোষ কি ! আমার নিজের কি ? আজ আমি উপদেষ্টার পদে আসীন হ'য়ে আমাকে ভুলতে তাকে উপদেশ দিতে চলেছি ; কিন্তু নিজে তাকে কৈ ভুলতে পারছি ! - জীবনে আমার এ কি ছমোঁচা গ্রন্থি প'ড়ে গেল ! এখন আমি কা'কে হাসাই—কাকে কাঁদাই ? সবিতা ?—না বালি ? শকু সমস্তা বটে । ( চিন্তামগ্ন )

( রমাপতির প্রবেশ )

রমা । ওরে ! মন্ত্রী মশায় ত মাথায় হাত দিয়ে বসেছে । ভাই, তোর আংটা সামলে রাখিস্, নইলে কলঙ্কভঞ্জন করতে কষ্ট পেতে হবে ।

কিশোর । ( অগ্ৰমনস্কভাবে ) তাই ত ।

রমা । তাই ত কি রে ? আংটা হারিয়েছিস্ নাকি ?

কিশোর । কি ? আংটা ? এই যে ।

রমা । তাই ভাল । তবে আবার তাই ত ক'রে উঠলি কেন ? সভার খবর শোন—আজ রাজা স্বয়ং পাহারা দেবেন ; আর ঘোষণা দেওয়া হবে যে, আজ থেকে রাত্রে কেউ বাড়ীর বা'র হ'তে পাবে না । যে বেরুবে, সেই চোর সাব্যস্ত হয়ে তুড়ুমে আটকানো থাকবে ।

কিশোর । ( অগ্ৰমনস্কে ) শকু সমস্তা বটে ।

রমা । শকু আর কচু । রাজাকে একটা চিঠি লিখে দে—আজ রাত্রে আপনার শয়ন-গৃহ থেকে আপনার স্তবর্ণ-ভূজার চুরি যাবে । লিখে চট ক'রে দিয়ে আর । আমি সন্ন্যাসী সেজে পুকুর-ধারে ব'সে থাকব । তুই সেই প্রহরীর পোষাকটা প'রে রাজাকে আমার কাছে ভুলিয়ে পাঠিয়ে দিস্ ।

কিশোর । দেব ।

রমা । হ্যাঁরে ! তোকে এমন অগ্ৰমনস্ক বোধ হচ্ছে কেন ?



কিশোর । রমা ! ছ' নোকোর যখন পা, তখন কোন' নোকোই না ছলিয়ে

এক নোকোর কি ক'রে আসা যায়, বলতে পারিস্ ?

রমা । ও, তাই এত অন্তমনস্ক ? কিন্তু তা ত হয় না । একটা ত ছল্বেই !

কিশোর । নিতাস্তই যদি তাই হয়, তবে কোন্টাকে দোলাই, কোন্টাকে

স্থির রাখি ?

রমা । যেটিতে ধর্ম, সেইটি স্থির রাখ ।

কিশোর । ধর্ম ! কোন্টা ধর্ম আজ আমার কে বুঝিয়ে দেবে ? ভাল-

বাসার সকলি ধর্ম । হ'ক সে বেগা, হ'ক সে ক্রীড়ার বস্তু ; কিন্তু

যখন সে তার সমস্ত হৃদয়খানিকে একত্র ক'রে তাকে ভালবাসায়

পরিণত করেছে, তখন তাকে প্রত্যাখান করাটাই যে অধর্ম নয়,

এ কথা কে নিশ্চয় ক'রে বলতে পারে ?

রমা । সমস্ত বোঝাবার এখন সময় নাই । তবে মোহ দূর ক'রলেই

বুঝবে, ধর্মপত্নীর আসন সকলের উপরে । উপস্থিত বন্ধুর অনুরোধে

বালিকে ছেড়ে সবিতাকে গ্রহণ কর । এখন চল ।

[ উভয়ের প্রস্থান ।

## চতুর্থ দৃশ্য ।

### উদ্যান ।

#### নাগরিকাগণের গীত ।

রূপসীয়ে রূপহীনে হায় যেন ভজে না ।

রূপহীনের রূপের ভূষা ছি-ছি মাজে না ।

আছে যার রূপ-পশরা, ধরাকে সে দেপে সর।

মাটিতে পা পড়ে না, তেকারে ভরা ;

সে প্রাণের মান রাখে না, প্রেমের কথা গায় মাখে না,

এ কথা জানে কে না, মন বোঝে না ॥

## পঞ্চম দৃশ্য ।

## সহর-প্রাস্তাশ্রিত বাপী-তট ।

ধূনি জ্বালাইয়া সন্ন্যাসিনী রমাপতি উপবিষ্ট ।

রমা । ঐ যে রাজা আসছেন না ? ( ধ্যানস্থ হইল )

রণ । এক বেটা প্রহরী বলে যে, একটা লোক ছুটে এই দিক পানে পালিয়ে এল । তাই ত, বেটা উড়ে গেল নাকি ! এ বেটা চোর ত বড়ই জ্বালালে দেখতে পাই । জানিয়ে চুরি করে, তাদের এমন চুরির উদ্দেশ্য কি ? আবার সন্ধ্যার পূর্বে এক চিঠি দিয়েছে, যে আমার শয়ন-কক্ষ থেকে সূবর্ণ-ভঙ্গার চুরি করবে । দেখি ভঙ্গার সে কেমন ক'রে চুরি করে । কড়া পাহারার বন্দোবস্ত ক'রে এসেছি । তার উপর আবার দণ্ডে দণ্ডে আমি নিজে তদারক ক'চ্ছি । রাত্তায় লোক-চলাচল বন্ধ করেছি । এমন কড়া বন্দোবস্ত সত্ত্বেও যদি সে চুরি ক'রতে পারে, তবে সে অর্ধরাজ্য পাবার উপযুক্তই বটে । তার মত বুদ্ধিমান ব্যক্তি রাজা হ'লে রাজ্য সুশৃঙ্খলে চলবে । ঐ সরোবর-তীরে একজন সাধু ধূনি জ্বালিয়ে ব'সে রয়েছেন, ঠুকে একবার জিজ্ঞাসা ক'রে দেখি,—উনি এদিকে কাউকে আসতে দেখেছেন কি না ? ( অগ্রসর হইয়া ) প্রভু !

রমা । ( নিরুত্তর )

রণ । ( স্বগত ) বুঝি ধ্যানে আছেন ।

রমা । শিব শঙ্কর ! হর হর ব্যোম ব্যোম !

রণ । প্রভু ! প্রণাম ।

রমা । ( মুখপানে চাহিয়া ) কোন্ হায় রে বেটা ?

রণ । আমি আপনার দাস ।

রমা । এত্না রাত্‌মে হিঁয়া কাহে বেটা ? হামারা পাশ্‌ কেয়া মাক্ততা ?

রণ । এদিকে কোন লোক্‌কে আস্তে দেখেছেন ?

রমা । হাঁ, আদমি তো একঠো আয়াথা ; হানারা পাশ্‌ গাঁজা পিলেকর  
চলা গিয়া ।

রণ । কোন্‌ দিকে গেছে বলতে পারেন ?

রমা । ইধার । ( পূর্বদিক নির্দেশ )

রণ । এখন আমি আসি প্রভু !

[ প্রণাম ও প্রস্থান ।

( প্রহরীবেশী কিশোরের উকি মারিতে মারিতে প্রবেশ )

কিশোর । রাজাকে কোন দিকে পাঠালি ?

রমা । এই দিকে ।

কিশোর । ব্যাটাকে আজ ছুটিয়ে ছুটিয়ে হাল্লাক কর ।

রমা । তুই ত একদফা চোরের সন্ধান দিয়ে ছুট করিয়েছিস্‌, এইবার  
আমার পালা !

কিশোর । সুখী শরীর, আর বেশীক্ষণ ছুটতে হবে না ।

রমা । তুই শিগ্‌গির যা । এখনি রাজা ফিরবে । সিং দরজায় থাক্‌গে  
যা । সেখানকার প্রহরীটাকে কোন একটা ছল ক'রে বিদায়  
ক'রে, নিজে সেইখানে পাহারা দিগে যা ।

কিশোর । আচ্ছা, সে সব ঠিক করে নেব এখন ।

[ প্রস্থান ।

( রণরাণয়ের পুনঃ প্রবেশ )

রণ । কৈ প্রভু, এ দিকে ত কাউকে দেখতে পেলুম না ।

রমা । তোম যানেকো বাদ, ও ফিন্ হিয়া! আয়াথা । ফিন্ গাঁজা  
পিলেকর ফিন্ চলা গিয়া ।

রণ । কোন দিকে গেছে প্রভু ?

রমা । ওখার । ( পশ্চিমদিক নির্দেশ ) [ রাজার দ্রুত প্রস্থান ।

এখনও হয়েছে কি ? আরও কত কৰ্মভোগ আছে তোমার কপালে !  
সবইতো দেখছি এক রকম মিটে সিটে যাবে । কিন্তু অত্যাগিনী বালির  
কি করা যায় ?

( রণরাণের পুনঃ প্রবেশ )

রণ । কৈ প্রভু, উদিকেও ত দেখতে পেলুম না ?

রমা । আরে ওত আবি হিঁরাসে গিয়া । ভালা, তোম্ উস্কো চুঁড়তা  
হ্যায় কাহে ?

রণ । ও একটা চোর ।

রমা । চোর হ্যায় । তোম্ উস্কো পাকড়ানে মাজতা ?

রণ । হাঁ প্রভু ।

রমা । আচ্ছা, এক কাম করনেসে ত ও পাকড়ানা যাতা ।

রণ । কি প্রভু, কি বলুন । এ চোর আমাদিগকে উদ্বাস্ত করে ফুলেছে ।  
কি উপায় বলুন ?

রমা । তোম সাধু বন্ধে হামারা আসনমে বৈঠনেসে ও আলবাৎ  
পাকড়ানা যাতা ।

রণ । বুক্তি ভাল, কিন্তু এখানে দু'জন দেখলে সে আসবে কেন ?

রমা । কহো হাম কৈ তরফ চলা যাতা ।

রণ । না প্রভু, আমার জন্ত আমি সাধুকে কষ্ট দিতে পারবো না । আজ  
রাত্রি আমি ভিন্ন অন্য কেউ পথে বেরুলে, প্রহরিগণ তাকে চোর  
বলে তুড়ুম ঠুকে দেবে ।

রমা । তব্ কেয়া করে ?

রণ । প্রভু, বলা:উচিত হয় না ; তবে যদি ক্ষমা করেন ত বলি ।

রমা । কেয়া বলো । ধরমকা ওয়াস্তে হাম্ জান্ দেনে শেকতা । চোটা  
পাকড়ানা ধরম্ ছায় ।

রণ । আপনি যদি আমার পোষাকটা পরে একটু দূরে গিয়ে অবস্থান  
করেন—

রমা । কেয়া করে ? সাধু হোকে, ধরমকা ওয়াস্তে যব রাজা বনুনে  
হোয়, ত কেয়া করে ? ভাল, দেও ।

রণ । অপরাধ মার্জনা করবেন প্রভু !

রমা । আরে ঞ্ছি, ঞ্ছি ।

রণ । তবে আসুন, আমরা পরস্পরের পরিচ্ছদ গ্রহণ করি ।

( উভয়ের পরিচ্ছদ পরিবর্তন )

## ষষ্ঠ দৃশ্য ।

পথ ।

নাগরিকাগণের গীত ।

বলিহারি চোরকে ওলো নাই বলিহারি ।

স্বপনে আসিয়ে সখি কবেছে চুরি ॥

এ চোরের পাউ না দেখা. সে যুমেব নাখে আসে একা,

এবে চোর বিনা নাহি রোচে পিপাসার বারি ॥

## সপ্তম দৃশ্য ।

কমলার শয়নকক্ষ ।

কমলা ও সরলা ।

সরলা । রাজকুমারী, তবে তুমি এখন ঘুমোও, আমি চলুম ।

কমলা । বাবা কি ফিরে এসেছেন ?

সরলা । না, তিনি চোর না ধরে:ত ফিরবেন না ।

কমলা । এ চোর কি ধরা পড়বে ? সখি, এত চোর নয়, এ যে বাহাদুর !

সরলা । কি সখি, মজলে নাকি ? চোর না বাহাদুর—সে পরে বোঝা যাবে । রাত হয়েছে, তুমি এখন ঘুমোও ।

[ প্রস্থান ।

কমলা । তাইত, চোরের কথা যতই ভাবছি, ততই তাকে দেখবার জন্ত মনে কেমন একটা ব্যাকুলতা আসছে । আমি স্বনামধন্য পুরুষ তিন বিবাহ করবো না বলে পণ করেছি । ভগবান কি শেষে এই চোর মূর্তিতে সে পুরুষকে পাঠিয়ে দিলেন । জানি না, তাঁর মনে কি আছে । ( পালকে শয়ন ও নিদ্রাকর্ষণ )

( সুবর্ণ-ভঙ্গার হস্তে রমাপতির প্রবেশ )

রমা । রাজার পোষাকটা পাওয়ার কাজের অনেক সুবিধা হয়ে গেল । সুবর্ণ-ভঙ্গার হস্তগত হয়েছে, এখন দেখি—যদি অন্য ঘরে কিছু পাই । ( কমলাকে দেখিয়া স্বগত ) মরি, মরি, তাঁদের রূপ-জ্যোতি অঙ্গে জড়িয়ে কে ওই সুন্দরী গুয়ে রয়েছে ? কে তুমি বালিকা ? তুমিই কি রাজকুমারী ? না—না, এই প্রাণোন্মাদকারী রূপে আত্মবিস্মৃত হবার এই কি সময় ? চলে যাই—চলে যাই । ( প্রস্থানোচ্চত )

কমলা । ( নিদ্রাবশে ) হৃদয়েশ্বর, কোথায় তুমি ? একবার দেখা দাও ।

রমা । ( স্বগত ) সুন্দরি ! ভাগ্যবান সেই, যে তোমার মত সুন্দরীর  
হৃদয়েশ্বর হতে পেয়েছে । ছিঃ—ছিঃ—আত্মহারা হ'য়ে আমি একি  
বলছি ? না—না—আর এখানে থাকবো না ।

( প্রস্থানোদ্ধত )

কমলা । ( নিদ্রাবশে ) কোথায় তুমি চোর !

রমা । ( থমকিয়া ) এ কি !

কমলা । ( ঘুমঘোরে ) মন চুরি ক'রলে ত দেখা দিলে না কেন ?  
এস চোর, তোমার জাতি-কুলের পরিচয় দাও ।

রমা । সুন্দরি ! চোর তোমার স্বজাতি ।

কমলা । ( উঠিয়া ) এ কি ! কে কথা কইলে ? তন্দ্রাঘোরে কার  
কণ্ঠস্বর আমার কাণে গেল ? স্বজাতি কে বলে ? ( রমাপতিকে  
দেখিয়া ) কে তুমি ? কে তুমি ? এঁা এঁা এই যে আমার স্বপ্ন-  
গঠিত মূর্তি !

রমা । যে চোরকে কেউ ধরতে পারে নাই, সে আজ তোমার নিকট  
ধরা পড়ল । পলায়নের সহস্র পথ ছেড়ে দিয়ে হাত এগিয়ে দিয়ে  
বাধা পড়ল ।

কমলা । আমিও যে আমার প্রাণ-পুষ্প তোমার চরণে অঞ্জলি দিয়েছি  
চোর !

রমা । বহু সম্মানে সে অঞ্জলি গ্রহণ করছি রাজকুমারি ! ভগবান  
স্বয়ং আমাদের বিবাহের ঘটক । নতুবা তোমার স্বপ্ন-পথে আমার  
মূর্তি জাগল—আবার তোমার জাগ্রত চক্ষে আমার মূর্তির সহিত  
সেই স্বপ্ন-দৃষ্ট-মূর্তি ঠিক মিলবে কেন ? ভগবানের এ ইচ্ছিতে কি  
এই বুঝব না যে আমরা উভরে উভরের জন্ত সৃষ্টিত হয়েছি ? কিন্তু

তোমার পিতা কি একটা চোরের সঙ্গে তোমার বিবাহ দিতে স্বীকৃত হবেন ?

কমলা । তবে কি হবে ?

রমা । যদি তাঁকে স্বীকৃত করাতে চাও, তা হলে আমার সঙ্গে তোমার আজ বেতে হয় । ভয় করো না রাজকুমারি—তোমার মর্যাদাহানি হবে না । আমি তোমাকে যথার্থ ভালবেসেছি । তোমার কাছে কিছু গোপন করব না । আমি মোহনপুরের রাজপুত্র । আমার সঙ্গে গেলে তোমার বংশ-মর্যাদা অক্ষুণ্ণ থাকবে । আমি প্রতিজ্ঞা করছি, কালই রাজার সমক্ষে তোমাকে উপস্থিত করব ।

কমলা । তুমি বুদ্ধিমান ! তোমার মতেই আমার মত । কিন্তু আমি বুঝতে পারছি না, কাজটা ভাল করছি কি মন্দ করছি ।

রমা । কেন রাজকুমারি, আমাকে কি অবিশ্বাস হচ্ছে ?

কমলা । না । কিন্তু পিতার প্রতি কণ্ঠার একটা কর্তব্য আছে ত ?

রমা । আছে । সে কর্তব্য যথারীতি পালিত হবে, তবে একটু বিলম্ব । আর মুহূর্তমাত্র বিলম্ব করবার অবসর নাই । এখানে আর একটু অপেক্ষা করলে আমার জীবন-সংশয় হবে । তুমি কি তাই চাও রাজকুমারি ?

কমলা । না । তবে চল ।

[ উভয়ের প্রস্থান ।

অষ্টম দৃশ্য ।

বাগীতট ।

সন্ন্যাসিবশে রণরাও উপবিষ্ট ।

\* । আরও গেল, চোরই বা কই—সাধুই বা কই ! ব'সে ব'সে বে বিরক্ত হয়ে গেলুম । এই পুকুর-ধারে এই বিরীচ মশার কামড়ে সাধু



বসেছিলেন কেমন ক'রে ? বাপ, শরীরের অর্ধেক রক্ত মশাতেই  
খেয়ে ফেলে । ধুনিটা নিভে গিয়ে মশাগুলোর আরও সুবিধা হয়েছে ;  
তারা বেশ নিশ্চিন্ত হ'য়ে আক্রমণ করেছে । চোর ধরা নাথায় থাক  
বাবা, মশার কানড় থেকে অব্যাহতি পেলেন হয় । ঐ না কে  
আসছে ? আর যায় কোথা ? এইবার ঠিক ধরব । একটু চূপ করে  
থাকি । যে আঁধার, আমাকে সহজে দেখতে পাবে না ।

( রাজকুমারীর সখী সরলার প্রবেশ )

সরলা । প্রহরী বলে, রাজা এই পুকুরের ধারে আছেন । কৈ রাজা ?  
রাজকন্যার নিরুদ্দেশ-সংবাদ ত রাজা ভিন্ন যাকে তাকে বলতে পারি  
না । : অসুস্থান )

রণ । ( স্বগত ) আর পালাবে কোথা ? ( উঠিয়া জাপটাইয়া ধরিয়া )  
তবে রে শালা !

সরলা । ওরে বাবা রে ।—কে রে ?

রণ । তোর ঘম ।

সরলা । এ যে মহারাজ ! ছাড়ুন—ছাড়ুন ।

রণ । বড় হাররাণ করেছ । তোমার জন্ত আমার প্রাণ যায় যায় হয়েছিল ।  
ধরেছি যখন, তখন আর কি ছাড়ি ?

সরলা । ছিঃ—ছিঃ মহারাজ, আমি আপনার কন্যা-স্থানীয়া, আমাকে ও  
রকম কথা বলবেন না !

রণ । ওরে বাটা, আবার মেয়ে সেজেছ ?

সরলা । মহারাজ, বুঝতে পেরেছি । আপনি আমাকে চোর ভেবেছেন ।  
আমি চোর নই,—আমি সরলা—রাজকুমারীর সখী । ( রণরাও

জিহ্বা কর্তন করিল ও সরলাকে ছাড়িয়া দিল ) চোরে রাজকুমারীকে  
 চুরি ক'রে নিয়ে গেছে । আমি আপনাকে সংবাদ দিতে এসেছি ।  
 রাজা । এঁা—বলিস্ কি,—বলিস্ কি ! চল্—চল্—

[ দ্রুত প্রস্থান ।

নবম দৃশ্য ।

সারদার বাটী ।

কিশোর ও রমাপতি ।

কিশোর । কাজ ত শেষ হ'ল ; তা হ'লে চল্, তল্লী-তল্লা গুটিয়ে এখান  
 থেকে রাজার বাড়ী রওনা হওয়া যাক্ ।

( চুণি, বালি ও সারদার প্রবেশ )

বালি । ( সাগ্রহে ) কোথায়—কোথায় রওনা হ'বে ?

কিশোর । দেশ পানে । ( বালি পাছু ফিরিয়া মুখ ভার করিল ) বলে-  
 ছিলুম ত সুন্দরি—বিদেশী পাখী—তাকে স্বর্ণ-পিঞ্জরে চিররুদ্ধ ক'রে  
 রাখার কল্পনাও বাতুলতা ।

বালি । ( অপাঙ্গদৃষ্টিতে ) কে কল্পনা ক'রেছে ? কিসের কল্পনা ?

সারদা । তাই তো গো বাবারা, তোমরা কি আজই উঠ'ছ না কি ?

রমা । ই্যা মাসি, আমরা এখান থেকে আজই উঠ'ব । এই তোমাদের  
 পুরস্কারস্বরূপ লক্ষ মুদ্রা নাও । ( মুদ্রাপূর্ণ থলি দান )

সারদা । বেঁচে থাক বাবা, বেঁচে থাক । তোমার আরও বাড়-বাড়ন্ত  
 হোক্ ।

চুণি । অর্থ ? অর্থ কিসের জন্ত ? দৈহিক সুখ ? কৈ, সে কামনা ত  
আর নাই । তার চেয়ে তোমার ঐ পবিত্র চরণ-রেণু আমার মাথায়  
দাও, আমার কলুষিত জীবন পবিত্র হ'ক । ( পদধূলি গ্রহণ )

সারদা । ও মা ! ( গালে হাত দিয়া অবস্থান )

বালি । আমারই বা টাকার কি দরকার ?

সারদা । ( নির্বাক্ বিষ্ময় প্রকাশ )

কিশোর । তবে একটু চরণ-রেণু-টেণু — ( নিজের পদধূলি দিতে উত্তত )

বালি । আর চরণ-রেণুতে কাজ নাই—যাও ।

কিশোর । আ অভাগিনি !

( দ্বৈত গীত )

কিশোর । কি দেখে মজিলে ?                      কি দেখে ভুলিলে ?

ভুলে যাও, ভুলে যাও, নোরে ।

বালি । কেমনে তা পারি,                      ও মুখ পাশরি,

মেরেচ কাটারি অদিপরে ॥

কিশোর । নিমেষের দেখা—নিমেষের লেখা, যদি হতে ফেল মুখে,

সব বাখা যাবে ঘুচে ;

বালি । নহে জল-রগা, পাশাণে ঐক ;

কিশোর । মুছিলে মুছবে —

বালি । মরম ফাটিবে,—

কিশোর । তবু ভোল সখি, তবু ভোল :

বালি । ভুলি গো কেমনে, মানে কই মনে, হৃদয় সতত বুঝে ॥

( চক্ষু অঞ্চল দিয়া বালির প্রস্থান ও

কিশোরের অশ্রু মোচন )

কিশোর । আ অভাগিনি ! ( পুনরায় অশ্রুমোচন ) জগদীশ্বর, তুমি এই

অভাগিনী বালিকাকে সুখী ক'রো । চল ভাই, এখন যাওয়া যাক ।  
আসি আসি, আসি দিদি ।

চুণি । এস ভাই এস ! ( কিশোর ও রমাপতিকে প্রণাম )

সারদা । এস,—বাবা এস ! ( প্রণাম )

কিশোর । অনেক দৌরাখ্য করা গেছে, কিছু মনে ক'র না ।

সারদা । কিছু না বাবা—কিছু না ।

[ কিশোর, রমাপতি ও তৎপশ্চাৎ সারদার প্রস্থান ।

( বেগে বালির প্রবেশ ও চুণিকে জড়াইয়া গীত )

সই ! সরম দলিয়া যার,

কে ওরে ফিরায় ?

শিকলি কাটিয়ে পাকি, উড়িয়ে পলায় ।

সরম পাসরি সখি, লুটাইলু তার পায়,

কেমন নিঠুর সখি ?—হেসে হ'লে যার ।

( চুণির প্রত্যুত্তর-গীত )

তারে নিঠুর কেমনে বল ?

বলা নাহি যায় ।

বুঝিলে না তুমি সখি,

কি চোকে সে চায় ।

দিলে না মুখের আশা, পড়নি নয়ন-ভাষা,

( তার ) অঁখি ছুটি চল চল লইতে বিদায় ।

বালি । তাই কি ? দিদি ! তাই কি ? আমার তরেই কি তার নয়ন-  
প্রান্তে ছ' ফোঁটা অশ্রু দেখা দিয়েছিল ? দিদি, সে কি ঠিক আমারই  
তরে ?

চুণি । বোনটি আমার ! বুদ্ধিমতী হলেও ভালবাসায় অন্ধ হ'য়ে, তোমার প্রতি তাঁর প্রীতি তুমি অনুভব করতে পারলে না । বুঝতে না পেরে এ তুমি করলে কি ? তাঁদের এমন সুখের মিলনে, এমন নিশ্চয় বিদারণ-রেখা টেনে দিলে ? এখন না পাবে সে স্ত্রীর প্রণয়ে সুখ, না হবে তার পক্ষে সংসার মধুময় । প্রকৃত প্রণয়িনীর এ ত কর্তব্য নয় । প্রকৃত ভালবাসায়, সর্ববিষয়ে আত্মত্যাগ চাই । এমন ভাল যদি না বাসতে পারা যায়, তবে সে ত ভালবাসা হ'ল না বোন— সে ত আসঙ্গলিপ্সা । কিন্তু সুখ আসঙ্গ-লিপ্সায় নয়, - সুখ আত্মত্যাগে ।

বালি । দিদি ! দিদি ! ত্যাগের প্রতিমূর্ত্তি দিদি আমার, এ কথা ত কখন শুনিনি ! আভাসে, ইঙ্গিতেও ত এ কথা কেউ আমার বলেনি ! দিদি ! এতদিন আমি তোমায় ভুল বুঝেছিলুম । আজ এই পূণ্য-মুহূর্ত্তে, এই বিরহ-সম্বৃত্ত হৃদয়ে এতদিনের পর তোমার ধরা পেলুম । কিন্তু তবু বুঝতে পারলুম না—তুমি কি ?

চুণি । বেশা—জঘন্য গণিকামাত্র ।

বালি । আর ত তোমায় তা ব'লতে পারি না দিদি । জানি না কোন্ কুল-মহিলা আজ তোমার অপেক্ষা গরীয়সী ? কোন্ দেবী আজ তোমার চেয়ে শ্রেষ্ঠা ? এখন বল দিদি, কি করলে তিনি সূখী হন ?

চুণি । এই ত তোমার উপযুক্ত কথা হ'ল বোন । তা হ'লে চল, সবিতাকে স্বহস্তে কিশোরের করে সমর্পণ করবে চল ।

[ উভয়ের প্রস্থান ।

## দশম দৃশ্য ।

## রাজসভা ।

## রণরাও ও ভরত ।

রণ । মন্ত্রী ! অর্ধরাজ্য প্রদানের ঘোষণা ত প্রচার করা হ'ল । চোর  
কোন সংবাদ পাঠিয়েছে কি ?

ভরত । আজ্ঞে হাঁ, তারা এল বলে ।

রণ । কিন্তু মন্ত্রী, আমার কণ্ঠার সম্বন্ধে কি হবে ?

( কিশোরের প্রবেশ )

কিশোর । কি আর হবে ? চোরের সঙ্গে মেয়ের বিয়ে দিয়ে ফেলুন ।

রণ । তুমি আবার কে ?

কিশোর । আজ্ঞে আমি—দোস্রা ।

রণ । দোস্রা কি ?

কিশোর । ঐ যাদের সন্ধান করছিলেন । পয়লা পেছিয়ে আসছে,  
দোস্রা হাজির ।

রণ । এই—কে আছ ? আমার কণ্ঠাপহারী ছবৃত্তকে এখন বন্দী কর ।  
( প্রহরী অগ্রসর হইল )

কিশোর । ( প্রহরীকে ) স্থির হও । ( রাজার প্রতি ) মহারাজ ! নিজ  
ঘোষণা স্মরণ করুন । ঘোষণার প্রতিকূলতাচরণ ক'রে, সিংহাসনে  
কলঙ্ক আনবেন না । স্বেচ্ছায় করতলগত আমি, আমাকে বন্দী  
করাটা কৃতিত্বের পরিচায়ক বটে ! কিন্তু তবু মনে রাখবেন—  
আমরা কোটালের লাঞ্ছনা করেছি, মন্ত্রীমশায়ের ধন হরণ করেছি,  
আপনাকেও সারারাত্রি পুকুর-ধারে বসিয়ে রেখেছি, আপনার

কন্যাকে প্রহরবেষ্টিত রাজপ্রাসাদ থেকে চুরি ক'রে নিয়ে গেছি।  
আমাকে বন্দী করাটা সহজ কাজ নয়। কন্যাকে ত পাবেনই না ;  
কেবল প্রতিজ্ঞা-ভঙ্গ-পাপে লিপ্ত হওয়াই সার হবে।

রণ। না—না বাপ, তুমি ঠিক ব'লেছ। আমি ক্রোধের বশে কাণ্ড-  
কাণ্ড জ্ঞানশূন্য হ'য়েছিলুম। এখন আমার কমলা কোথায় আছে, বল ?  
আর বল, তোমাদের মধ্যে কেউ আমার করণীয় বংশ-সম্ভূত কি না ?  
তা' হলে সকল সংশয়, সকল বিপদের অবসান হয়।

কিশোর। মহারাজ ! যিনি আপনার কন্যাকে অপহরণ করে নিয়ে  
গেছেন, তিনি মোহনপুরের রাজকুমার। সুতরাং তিনি যে আপনার  
করণীয় বংশ-সম্ভূত—এ পরিচয় নিস্প্রয়োজন। এ অপহরণে আপনার  
কলঙ্ক নাই। রাজকুমার যথাশাস্ত্র গান্ধর্বমতে আপনার কন্যার পাণি-  
গ্রহণ করেছেন। মোহনপুরের রাজপুত্র লম্পট নয়, আপনার কন্যাও  
কুলটা নয়।

রণ। বাবা ! সুসংবাদে তুমি আমার প্রাণের পাষণ্ডার নামিয়ে দিলে।  
তুমি কি পুরস্কার চাও, বল ? প্রতিশ্রুতিমত, আমার কন্যার সঙ্গে  
অর্ধরাজ্য তোমার বন্ধুকে দেব। অপরাধি তুমি গ্রহণ কর।

কিশোর। ( জানু পাতিয়া ) মহারাজ ! আমার প্রতি আপনার অসীম  
রূপা। কিন্তু মহারাজ, বন্ধুর মুখে সুখী আমি—রাজ্য-প্রয়াসী নই।  
সে অর্ধও বরং তাকেই দান করুন। আমি আজীবন সেমন তার  
স্নেহছায়ায় বর্দ্ধিত, তেমনি তার স্নেহছায়াতেই বাস করব।

রণ। ( বিস্মিতভাবে ) তুমিই কি চোর !

কিশোর। সন্দেহ কেন মহারাজ ? চোরের মুখে এ কথাগুলো কি  
বড়ই মহৎ ব'লে শোনালো ? দোহাই মহারাজ, আনায় মহৎ ভেবে  
লজ্জা দেবেন না। আমি যে মহৎ নই, তার পরিচয় মন্ত্রী মশায়

জানেন । ( মঞ্জীর বিশ্বয়ভাব প্রকাশ ) বিস্মিত হবেন না মঞ্জীরশাই, আমার ভেতরে যদি মহত্বের কণামাত্রও থাকত, তবে কি বিবাহের পর দনই আপনার কণ্ঠকে কোলে চ'লে যাই ?

ভরত । তুমি কি সাধুতার আবরণ দিয়ে আমার অপমান ক'রতে এসেছ ?  
কিশোর । অপমান আপনার যথেষ্ট করেছি, কিন্তু এখন নয় । এই দিন, আপনারই প্রদত্ত ষোড়শ অঙ্গুরীয় পাঠ ক'রে দেখুন—আমি আমাক্ষণ গ্রামনিবাসী দেবপ্রসন্নের পুত্র কিশোর—আপনার পলাতক জামাতা ।

( মঞ্জী আংটির লেখা পড়িলেন )

ভরত । এঁা, তুমি ! তুমি ! আমরা তোমার নিকট কি দোষ করে-  
ছিলুম বাপ ?

কিশোর । দোহাই শ্বশুর মশায়, আমার পলায়নের কারণ জিজ্ঞাসা ক'রে আমাকে আর লজ্জিত করবেন না । শ্বশুর মশাই, যে দিন আপনার বাড়ীতে চুরি হয়, সে দিন আমিই আপনার জামাই সেক্রে-  
ছিলুম ; সুতরাং মর্যাদা-হানির কোন আশঙ্কা করবেন না ।

ভরত । আশঙ্কা বিশেষই করেছিলুম, তবে যখন শুনলুম, যে তুমিই চোর  
—তুমিই জামাই, তখনই বুঝেছি, যে ধনও যায় নাই, মানও যায় নাই ।  
রণ । কৈ বাবা, তোমার বন্ধু এখনও এলো কই ?

কিশোর । এল ব'লে । সে এই সমস্ত খুলে বন্সবার জন্ত আমাকে আগে  
পাঠিয়ে দিলে । একটি পৃথক্ বাসায় সে রাজকণ্ঠকে রেখেছে,  
তাকে নিয়ে সে আসছে, আমি বরাবর চ'লে এসেছি ।

রণ । বটে ! ( দূরে রমাপতিকে দেখিয়া ) ঐ যে তারা আসছে । আহা, কি  
সুন্দর চোর ! নান্নি, দেখ—দেখ—বেন, হরপার্কতী কৈলাস থেকে  
অবতীর্ণ হচ্ছেন । কি আনন্দ—কি আনন্দ !



( রমাপতি ও কমলার প্রবেশ )

রমা । মহারাজ, আমার সকল অপরাধ—

কমলা । পিতা—

রণ । চুপ কর । তোরা কণা কসনে । গুরে, নর্তকীদের ডাক । নাচ,  
গাও, আমোদ কর । মন্ত্রি, তোমার মেয়েকেও নিয়ে এস । আজ  
যুগল যুগল মূর্ত্তি দেখে নয়ন সার্থক করি ।

ভরত । যথা আজ্ঞা মহারাজ ! যথাগই বলেছেন, আজ বড় আনন্দের  
দিন ।

[ দ্রুত প্রস্থান ]

রণ । যাই, রাণীকে এ সংবাদ দিই গে ।

[ প্রস্থান ।

রমা । কিশোর ! সতাই আজ বড় আনন্দের দিন ।

কিশোর । ( দীর্ঘনিশ্বাস সহকারে ) শুধু যদি—( নেপথ্যে বালির গীত )

( চঞ্চলভাবে ) ও কি ! ও কার স্বর ? এখানে ও কার স্বর ?

( সবিতার হস্তধারণ পূর্বক গাহিতে গাহিতে বালির প্রবেশ ও

তৎপশ্চাৎ চুণির প্রবেশ )

ধর হে ধর সখা উপহার ।

( কিশোরের হস্তে সবিতার হস্ত অর্পণ )

ভাসিয়ে আসিয়ে চরণ-মূলে, লোগেছ তোমার ।

আর লহ সখা বিন্দু অংশি-ফল—

উজ্জল ভ্রাতী তপাগে নিরমল.—

মম সর্বস্ব ধন, সকল সম্বল ; আপ কিছু নাহিক আমার ।

কিশোর । বালি ! তুমি ধন্য—শুধু ধন্য !

বালি । তোমার এ সাধুবাদ মাথা পেতে নিলুম । ( প্রণাম )

( ভরত, শ্রামসিংহ, সভাসদগণ ও নাগরিকগণের প্রবেশ )

রমা । এই যে কোটাল মশাই ! মাফ করবেন, আপনাকে যথেষ্ট কষ্ট দিয়েছি । তার মূল্যস্বরূপ এই লক্ষমুদ্রা গ্রহণ ক'রে বাধিত করুন । অপহৃত ধন-রত্নাদি গিয়েই ফিরিয়ে দেব ।

কিশোর । আর আপনার নামলেখা একটা আংটা একটি লোক আমায় দিয়েছে ; তৃষ্ণায় কাতর হয়ে এইটি বাঁধা রেখে তার কাছে জল না কি খেয়েছিলেন । ( শ্রামসিংহ লজ্জিত হইয়া মস্তক নত করিলেন )

( রাজা রণরাও ও রাজা সমরসিংহের প্রবেশ )

রণ । কোটাল ! মুখ নামিয়ে থাকলে হবে না । আমোদ কর । সবাই আমোদ কর । আজ সবার সাত খুন মাপ । আর এই একটা বুড়ো রাজা তার কনিষ্ঠ পুত্রকে খুঁজতে আমার রাজ্যে এসেছে । আজ যেন আমার রাজ্যে কেউ নিরানন্দ না থাকে । দাঁও, এঁকে একটা কনিষ্ঠ পুত্র দিয়ে দাঁও ।

সমর । পুত্রহারাকে নিয়ে আর তামাসা করো না রাজা ।

রণ । বেয়াইএর সঙ্গে কি তোমার রাজ্যে তামাসা করে না রাজা ? তবে তোমার বিনানুমতিতে তোমার ছেলের সঙ্গে আমার মেয়ের বিয়ে দিচ্ছি ব'লে, যদি সম্বন্ধ স্বীকার না কর—তবে আলাদা কথা ।

সমর । ( বিস্মিতভাবে ) আমার ছেলে—তোমার মেয়ে—বিয়ে—এ সব কি কথা ?

রণ । চেয়ে দেখ রাজা, ঐ অপরাধীর মত, অবনত-শিরে কে দাঁড়িয়ে !

সমর । ( ছুটিয়া গিয়া রমাপতিকে আলিঙ্গন পূর্বক ) রমাই—রমাই, বুড়ো বাপকে কি এমন করেই কাঁদাতে হয় ?

রমা । ( অশ্রুমোচন করিয়া ) স্নেহময় পিতা, তোমার অবাধ্য, ছরত  
সন্তানকে মার্জনা কর ।

সমর । ওরে, ছেলে একটু ছরত ভাল । বেণী ঠাণ্ডা হ'লে সর্দির যত  
বুকে ব'সে যায় ।

( নর্তকীগণের প্রবেশ )

রমা । তোমরা নাচ, গাও । ( চুণি ও বালিকে নোরবে একধারে  
দৃশ্যমান দেখিয়া ) তোমরা এক পাশে চুপ ক'রে দাঁড়িয়ে রইলে বে ?

নাচ—গাও—

চুণি । ( জনান্তিকে বালিকে ) এত দিন পরে আবার নাচ'ব ?

বালি । না দিদি, তা বললে হবে না । আজ এই মিলনের দিনে নর্তকীকে  
একবার সন্ন্যাসিনীর মধ্যে ফিরিয়ে আন ।

চুণি । বেশ, তবে তাই হ'ক ।

( চুণি, বালি ও নর্তকীগণের গীত )

আজি, মধুর মিলনে, হৃদয়-বাঁধনে  
যুগলে যুগল মিলিয়া যাও ।

আজি, জনম সাধনে, পেয়েছ রতনে  
জীবনে-মরণে বাঁধিয়া দাও ।

আজি, বহুক মলয়-পবন ধীরে,  
কুহুম স্বাস—সিকত নীরে—

আজি, ভরুক ভাবেতে, ভাবুক প্রাণ,  
গাহক কোকিল পঞ্চম গান,  
স্বরগ-স্বপনা মরুতে বহাও ।

যবনিকা ।



নূতন গ্রন্থ !

নূতন গ্রন্থ !!

নূতন গ্রন্থ !!!

মহাকবি গিরিশচন্দ্রের শেষ বয়সের নিভা সহচর

শ্রীঅবিনাশচন্দ্র গঙ্গোপাধ্যায়-সম্পাদিত

## গিরিশচন্দ্র ।

( ৭০ সত্বর খানি হাফটোন চিত্র সংবলিত )

নাট্য-সম্রাট স্বর্গীয় গিরিশচন্দ্র ঘোষ মহাশয়ের শেষ বয়সের নাটকাদির গান ( বহু দুস্রাপ্য গীত সমেত ) এবং নট-গুরু সম্পূর্ণ জীবনী, “গিরিশচন্দ্র” গ্রন্থে এই প্রথম বাহির হইল। এতদ্বিন্ন মহাকবির অদ্ভুত জীবনের নানা প্রসঙ্গ, গল্প, যাবতীয় রচনাবলীর সময়-নির্দেশ প্রভৃতি নানা উপাদেয় বিষয় সন্নিবেশে গ্রন্থখানি সাধারণের বিশেষরূপে হৃদয় আকর্ষণ করিয়াছে। ইহার উপর নাট্যাচার্যের নানা-রসের ও বিবিধ অভিনয়-ভঙ্গির বহুল চিত্র প্রদানে অভিনয়শিক্ষার্থীরা ইহা পরম আদরের জিনিস হইয়াছে। কেবল গিরিশচন্দ্রের নহে, বঙ্গ-নাট্যশালার অধিকাংশ বিখ্যাত নট-নটীগণের সংক্ষিপ্ত পরিচয় সহ ৭০ সত্বর খানি অভিনয়-চিত্র ( Character-Photo ) সংযোগে গ্রন্থখানি সুশোভিত। আপনি পুস্তক ক্রয় করিয়া পাঠ্যরসের পূর্বেই বন্ধুহলে ছবি দেখিবার জন্ত কাড়াকাড়ি পড়িয়া যাইবে। যেরূপ উৎকৃষ্ট কাগজ, সেইরূপ ছাপা। সুন্দর বাধাই, মূল্য ২।০ পাঁচ সিকা মাত্র।

শ্রীগুরুদাস চট্টোপাধ্যায়,

২০১ নং কর্ণওয়ালিস্ ট্রাট, কলিকাতা



“বাহাদুর”-প্রণেতা

শ্রীযুক্ত নির্মল শিব বন্দ্যোপাধ্যায়-প্রণীত

# বীররাজা

( সুপ্রসিদ্ধ ঐতিহাসিক নাটক )

মিনার্ভা ও মনে.মোহন থিয়েটারে প্রশংসার সহিত অভিনীত।

দেশে দেশে সখের দলের থিয়েটারে সাদরে সাগ্রহে  
অভিনীত হইতেছে।

“বীররাজার”—কেন এত আদর জানেন কি? আমরা কিছু না বলিয়া, দেশের বড় বড় সংবাদপত্রগুলি বীররাজা সম্বন্ধে যাহা বলিয়াছেন, তাহারই দুই একটা মন্তব্য এখানে উদ্ধৃত করিতেছি।

বিখ্যাত “বসুমতা” বলেন :—“বীররাজা নাটকখানি বীরভূমের ইতিহাস অবলম্বনে রচিত। মিনার্ভা থিয়েটারে সুখ্যাতির সহিত অভিনয় চলিতেছে। গ্রন্থে নবীন লেখকের কৃতিত্বের পরিচয় পাওয়া

যায়। ভাষা প্রাজ্ঞল, চরিত্রসৃষ্টি প্রশংসনীয়। এই নূতন নাটকখানির অভিনয় দর্শনে আমরা পরম প্রীত হইয়াছি।”

নির্ভীক “নায়ক” বলেন :—“বীররাজা নাটকখানিতে নানা গুণপনার পরিচয় আছে। প্রথম গুণ এই যে, অনাবশ্যক ফেনাই” বলিবার চেষ্টা ইহার কোথাও নাই। বিনা আড়ম্বল সকলেই আপন আপন কাজ করিয়া গিয়াছে। যে জিনিসটা এখনকার নাটকে বড় একটা পাওয়া যায় না, তাহারও ইহাতে অভাব নাই। সে জিনিসটা হইতেছে—ঘাত-প্রতিঘাত। বীররাজার আর একটি মহৎ গুণ এই যে, অল্পকরণের উৎপাত ইহাতে নাই। প্লেটে বেশ একটু বিশেষত্ব আছে। ইহার অভিনয় দেখিয়া দর্শকবৃন্দ যে তৃপ্তিলাভ করিবেন, এ কথা নিঃসঙ্কোচে বলিতে পারি।”

নির্ভীক “বাস্তব” বলেন :—“বীররাজা নাটকখানি পঞ্চাশ। নাট্যকার নূতন হইলেও গ্রন্থখানিতে নাটকত্বের অপূর্ব ঘটে নাই। ঘাত-প্রতিঘাত বেশ আছে। নাটকখানি ভাল হইয়াছে।”

প্রাণীক “সময়” বলেন :—“বীররাজা ঐতিহাসিক নাটক। মিনার্ভা থিয়েটারে বেশ সমারোহে ইহার অভিনয় হইতেছে। বইখানি পড়িয়া দেখিলাম, ইহা অভিনীত হইবার সম্পূর্ণ লোগা। ইহার লেখা ভাল, রুচি প্রশংসনীয়। নাটকীয় গুণ ইহাতে আছে। বোসুয়-চরিত্র আদর্শ-চরিত্র। মহত্বের, বীরত্বের ও তেজের এমন উজ্জল নিদর্শন, এমন বিরাট আদর্শ সচরাচর নাট্যগ্রন্থে দেখিতে পাওয়া যায় না। আমরা চরিত্র-চিত্র বিষয়ে গ্রন্থকারের প্রশংসা করি। ইহা ছাড়া নাটকের আখ্যান বস্তুকূতেও একটু বিশেষত্ব আছে। কাহারও ছায়া পড়িয়াছে বলিয়া মনে হয় না। প্রথম উত্তমে এত সাফল্য অতি অল্প নাট্যকারের ভাগ্যেই ঘটিয়া থাকে। নিম্নলিখিত শিব বাবুর ভবিষ্যৎ



আশা প্রদ। আমরা তাহার কাছে আরও নূতন নাটকের দাবী করি।”

বাজে বুক্‌নির চোটে, বিজ্ঞাপনের আড়ম্বরে মেকা ও খাঁটির পাথকা  
 ত্বা যায় না বলিয়া ই হস্তবা কয়েকটি প্রকাশ করিলাম; স্থানাভাব  
 তঃ অন্তঃ মতামত দিতে পারিলাম না, এক্ষণে পাঠকগণের নিকট  
 সর্বিনয় অনুরোধ, তাঁহারা পরীক্ষা করিয়া দেখুন, বীরভূমবাসী নবীন  
 নাট্যকার বীরভূমের শেষ হিন্দুরাজা বীররাজার আখ্যায়িকা অবলম্বনে  
 যে নাটকখানি রচনা করিয়াছেন, তাহা খাঁটি সোনা কি না! গ্রন্থের  
 মূল্য ৫০ বার আনা মাত্র।

শ্রী গুরুদাস চট্টোপাধ্যায়,

২০১ নং কর্ণওয়ালিস ষ্ট্রীট, কলিকাতা।

■





